



१०६५

स्वांग्याः पुन्हि

ठाकुरलाल मानन्धर
उकेस भुजु
गिरिजा प्रसाद
काशीनाथ तमोट
रत्नबहादुर साय्मि
अष्टमुनि गुभाःजु
बुद्ध साय्मि
गाइ द मोपासाँ
रमापति राज शर्मा
दुर्गालाल श्रेष्ठ
उलरिकेयात लसकुस
अमृत श्रेष्ठाचार्य



डा० उलरिके ववयलभरयात चवसापासापाखें भाषा जवाःया
उपाधि देलाया चवंगु ।

इत्तं ज्ञोत पिपा चवनी मखु, ई लिसैं ज्ञो न्ह्याये माःगु दु ।

उकिं ज्ञोगु दे न्ह्याज्याकेगु कुतलय् लिधंसा बागु

जिमिगु नं दुनुगःया इच्छा दु ।

लुमंका दिसैं

भाजुरतन इन्जिनियरिंग एण्ड सेल्स प्रा. लि.

जिपिं

- लुकास सर्भिस ओवरसीज, बिलायत व
- इण्डियन लुकास सर्भिस, भारतया उत्पादन कार, ट्रक इत्यादिया स्पेयर पार्ट्स
- मेसि फर्गुसन ट्रैक्टर भारतीय व बिलायती
- बिलायत स्थित क्राइस्लर कम्पनीयागु कार व सेमेनु वाहन
- रेण्को कम्पनीयागु क्लच प्लेट
- इण्डियन अक्सिजन लिमिटेडया विभिन्न प्रकारयागु अक्सिजन ग्यास व
- सेमेगु विभिन्न कम्पनीया मेसीनरो व अन्यान्य सामग्रीया

जिपिं नेपाल अधिराज्यया निंति वित्तरक खः
सेवा यायेगु अवसर बिया दिसैं ।

भाजुरतन इन्जिनियरिंग एण्ड सेल्स प्रा. लि.

पो. बा. नं. १३३

उद्योतिभवन, कान्तिपथ, काठमाडौं

शाखा — बीरगञ्ज, विराटनगर, भैरहवा, हेटौडा



नेपाल भाषाया
लयपौ

दं १८/३

थ्यंल्याः १५६

नेपाल सम्बत १०९५ सिल्ला/चिल्ला

संरक्षक
चित्तधर 'हृदय'

सम्पादक व प्रकाशक
हेमबज्र बज्राचार्य

सहायक सम्पादक
विष्णु चित्रकार

व्यवस्थापक
पद्मरत्न तुलाधर

दक्षिणा १२।-

छगूया १।-

नारद स्मृति ३

सत्यवादीया प्रशंसा

ह्याब्बः म्ह- ठाकुरलाल मानन्धर

श्वते साक्षि विचार पाफयकेस पूर्वया धर्म कथास
लहाया, सत्यवादीया प्रशंसा । असत्यवादीया पातक खं
लहासन असत्यन पाफे मछालकेया माझेतसन ह्याच माल ।
थेस पडपे श्लोक— “नग्नो मुण्ड कपालीच ... स सर्वस्तेय
कुल्लरः” । श्वते श्लोक पडचाव श्व श्लोकया अर्थ लहास्यं
काने मध्यस्तसन । ग्वन साक्षिन असत्यन लहाचं ओया
परत्रस गति जुयु थथ्य । एवंचिडि म्वंडसं खाया कठि ओ
खपरा ओ ज्वडाव भूखन पिपासन पीडरपाव शत्रुया छेस
पवंद जोयु, साक्षि जुस्यं चवडाव असत्य लहाव पुरुषन
थमथे दलछि नागपासन चेरं, नरक भुवनस दलछि नाग-
पासन चेया वेदना नयाव चवनिव, शरछि दं वंनडाव
छगुडि धारे नागया पास वयनिव श्व मानन लाखछि दंन
तु ख मुक्ति जुरं । साक्षि खंस असत्य लहार डान थव
गोत्रवध याडा पातक लायु, चवलस फसि आदिपंया क्रियास
साक्षि जूवन, असत्य लहाया वडह्तां गोत्रवध याडा पाप
शाखंस असत्य लहायान जिम्हं स्याडा पाप शडं खंस
असत्य लहायान शरछि स्याडा पाप मिखंस असत्य लहायान
शरछि गोत्रवध याडा पाप लूखंस असत्य लहाकाले थव
गोत्र कुटुम्ब द्वाको स्याडा पाप । भूमा सीमा खंस असत्य
लहायान प्राणी द्वाको वु स्याडा पाप लातं ख । श्वते खो

भूमासीमा खंस असत्य लहाच मतेव । सत्यन थमथे पाव-
जया द्विन स्वर्ग वनेया स्वहन जुरं सत्य । संसार समुद्र पार
याये नाम जुरं प्रत्ये ख । अश्वमेध यज्ञ ओ सत्य ओ स
सत्य ख गुरु जुरं । तुंठिशरछि द्वयकाया सिनों पुखुरि
छगुडि द्वयका तव पुण्य, शरछि पुखुरिया सिनों लाखा होम
याडा तव पुण्य, लाखाहोम शरछिया सिनों काय थोले तव
पुण्य, शरछि काय थवेया सिनों सत्य वचन लहाय तव
पुण्य । पृथ्वीसन लोक धररपं तरं त्वं सत्यन, दिन प्रति
सूर्य भराडस उदय जुर त्वं सत्यन, वायुदेवता त्वं सदा
वहरपर त्वं सत्यन पर्वत लाख वहरपरं वु सत्यन, कालन
वा गारं वु सत्यन । श्वते खो महादान, महातय, महाधर्म,
महावेद जुस्यं मात सत्य विषय ख ।

देव्या स्वभाव जुरं सत्य मानुषया स्वभाव जुरं
असत्य, मानुसयाके रा वु सत्य रा द्वातं ओम्हं मानुस श्व
जन्मसं वु देव जुरं ख । श्वतेन ख साक्षिलोकसन सत्य लहा
हुन, सत्यन स्वर्ग वनिव, क्षण असत्य लहास्यन नरक भुवनस
जायरपरं वनिव तु जुरो । धर्मराजस जेमकिंकर नं मडयं-
काव्य व शूलस भररपे वु मे पुखुरिस दुंतेयु, सो काडास
ह्वायु वंतरणीस दुंतेयु, छिटुंके डडाव नरकस दुंतेयु
श्वते नरकस दुख द्वाको भुक्तारपाव ताकालननि मुक्ति
जुयव तोसन याड जायरपिव अथवा गृधकोख आदिपं

पापजंतुया जोनिस जायरपाव श्वते वुजरपं सत्य लहास्यं
थमथे उद्धररपे सो हुन । असत्यन थमथे पडरपकाले
स्वजन वान्धवन वितन लाखरपे मफोर, स्वर्गुस च्वंग्व
पितर व्दाको स्वर्गन कोटानु श्व ख मायु, श्व संतान
पुष साक्षि अविजन जुर वनंडात्र जे संतानन असत्य
लहास्यं खात्य वं असत्य लहारडाब जे सकलें नरकस पडरपे
तु जुरो धास्यं संताप याडसनं, श्वतेन ख सत्य परमात्मा
जुस्यं मातं, सत्यस ख सर्वदेव प्रतिस्था जुरं । सर्वथा
प्रकारन वु सत्य लहासन थम कल्याण जुसन, असत्य लहासन
जायरपस्यंन लीस मसितोले वु पाप याडा प्राय तु ख ।
सत्यथ्यंग्व धर्म मेव मदोर, असत्य थ्यंग्व पाप मेव मदोर ।
थव कारजसनि वु असत्य मतेव विशेषरपं मिसकारजस
साक्षि जुल्यं लोभ मोहन लहाच मते व । मिसके मोह थोलन
असत्य लहा व्वजाति थव कार्यस छो असत्य म लहायु ।
श्वते पाप खड म लहास्यं असत्य मतेव । श्वते धास्यं शवद
मपाफयकन हडा माझेतसेन साक्षि अविजन जुर वोव त्वं
कोटारपं नि पाफयके जुरो ।

पर्वद = पर्वो (फोने) । स्वहन—स्वहाने ।
जेमकिंकर—यमकिंकर । तोसन—गरीब ।
जोनि—योनि । माझेतसेन—मध्यस्थसन ?

वडगु स्वांयाः पुन्हि बलय्

चवसापासाया नीन्यादँ बुन्हि तःजिक न्यायेकेत
आवनिसें फुगुचाःगु ग्वाहालि याना दिसँ ।

विज्ञानया खँ

“की (मनू) गुलितक चवन्हचाये फइ ?”

उकेस भुजु

दकल्य तःजाःगु सगरमाथाया चवकाय पलाः तयाः
तेजिग व हिलारि निम्हेस्यां न्हाय स्वाकल । गुकयंधाःसा
तःजाःगु चवापु-गुँ सदि सदिनिसेहे मनूतय न्होनय हःपाः
जुयाः दनाच्चगुलिं खः । ल्हाय सःपि न्यासि वयेत स्वइथे
न्हाम्हेस्यानं दनेत स्वइ, खने मरुसा गनं गयाः स्वइ ।
थयेनुं गंगंग चवापु-गुँ नं गयेत बिचाः याइ । अने छन्हु
मनू जातया इज्जत च्वनि ।

तर मनूतयत पृथ्वीया दक्कल्य तःजाःगु सगरमाथा
जक गयां छाय चित्तबुझ्य जुइ ? अनेतने कुतः यानाः
आखिरे तिमिलाया नुगःपाय नं पलाःहे तयावल ।

उलि नं मगानाः मंगल ग्रहय वनेगु बिचाः यानाच्वन ।
अज्ज बृहस्पति, सतिस्वर आदि ग्रहया लिक्क वनेगु आवं-
निसेहे ज्या छुइ धुं कल । आः छकःयात धाये थव नौ ग्रह
फुक्क उपनिवेश दयेके धुन धाये । अले की मेगुहे नगुइ
वनेगु जुइ । थयेनुं कीसं मबिणया निह ग्रह ग्रह चाहिलाः
छयाना च्वनिगु मखा जुइ ।

अथे ग्रह ग्रह चाहू वनेत छुँसि (ईन्धन) नं ह्याचां
गाइमखु । हानं रकेटया गति तच्चः जुल धायेवं मनूया
नुगलं फयेमफयेयः । उके थव ज्याय नं उज्यागु रकेट मालि
गुगुलिं मित्याः पिमकासे जति (Light) जक पिकायेवंहे
न्हाइ । अले मनूया ज्या कंप्यूतरयात याकेमालि । न्हा-
त्येसां कीसं मेमेगु ग्रहया खँ सीके फइगुलिं विस्वास वं ।

फय्खः, रकेट आदिखय च्वनाः ब्रयावनेगु खँय जक
मखु, थनहे पृथ्वी कीसं यक्क खँ सीके तयेके धकाः
लिमलाका च्वना । हानं कीसं स्यू तःगुमिछ आदिङ्कार
अथे पयात्त लुयाःवगु दु । तर उज्याःगु भाग्य हानं उकिहे
लगय जुयाच्चपित लाःवल । न्हात्येसां कीसं सीकाच्वना ।
छता खँ काये- थव बंगवाराया न्हागुहे थायया छटना नं
न्हात्थाय च्वनाः नं न्यनेफु अले मिछां खंकेफु । थव जुन
रेडियो व तेलिभिजनया ज्या । थुकियात अज्जनं छयलेगु
थाय दु । मेमेगु ग्रहया मनूतनापं खँ त्हायेत । रेडियो—
अय्स्त्रोनोमिया बिकासं व ज्याय झीत आसां वयंकि । आः
तक्क मिछां खंके मफुगु ग्रह कीसं लुइका च्वना थवहे ज्या—
भल । थव ज्याभः कार्ल जायन्स्की दयेकाडिउगु छः तर
भाग्यबस । न्हाचः धयार्थे भाग्यनं दय्कयातहेः लिधवासा
बिल ।

मनू गनं रुदन्हायेत स्वइ-कि सुं मबंथाय वनः
कि सुनांनं मस्युगु सीकाः, कि सुनांनं मया गु यानाः ।

थवहे खँया ल्यूल्सू कंप्यूतरया खँ वड । निस — दँ
न्हायाह्य महान् गणितज्ञ बूलरजुया गणित शास्त्र थौतक्क
नं ठचलांबनाचवंगु दु । तर वय्कःया पालय स्वयाः नं
यावनं कीसं थौकन्हय हिसाब याये दु । थव सफल
कंप्यूतर यानाः खः ।

धाइ— छगू घःचा (Circle) या पाइ (ग) या

लिचवः पिकाः बलम् खुसः फुतिचा-लुगु (600 decimal places) तक हिसाब पायेत गूलरजुयात तः दे बिन । न्हात्थेसां छगू सफलता वय्कःया थ्व नं खः । तर थौंया कंप्पूतर खुसः जक मखु निदो फुतिचा-लुगुथ्यं क लिचवः पिकायेत नं छुं सेकेन्या इलं गाः । थ्वथेहे जाःगु कंप्पूतर थौंकन्हे वक्व पिहांवये धुं कल । कंप्पूतर मनुखंहे दयेकूगु खःसां मनूया न्हापु स्वयाः गन खः गन खः शक्तिशाली सार्विन जुइधुं कल । धात्थे धायेमाःसा कंप्पूतरं हिसाब याइगु खनिबलय् मनू धौंला लज्यां ववछुइमालि । छा-य्कि जावा मेसिनं झीत लिपयाना थकेफु । तर व मेसिनहे झीसं दयेकागु खः ।

विज्ञानं उन्नति जूगु उलिजक जूसाला थ्व विज्ञान धेगु छाप् थाकुइ ? व स्वयां नं वक्व उन्नति जुइधुं कूगु दु । सुं देसया नायो तंचालधाःसा थ्व पृथ्वी सेकेनभरया वुने भस्म जुयेफु । थन पुलां शास्त्रकथं प्रलय वयेफु । लेसरया प्रयोगं थन पृथ्वी सुजद्यो खंकेफु । थ्व फुक्क कीसं भिगु व मभिगु खँय् ज्याय् छचलेगुलिइ निभंर जुइ । छाप्थाःसा न्हागुं नं आबिस्कारया मां-अबु मनूहे खः ।

अँ, थ्व फुक्क आबिस्कार पायेगु बिचार कीके गनं वल लय् ? छगू भराय्धंगु न्हासः चि तिन्हुया वइ ।

छन्हु निल्स बोहर न्हाःवय्काच्चंबलय हागसय् म्हन । वय्कः च्यानाच्चंगु सुजद्योया दथुइ च्वंच्वंगु । ग्रह फुक्क चाः चाः हिला च्वन धायेकि सुकां चिनाः इस्त चाःहिका तागु दु । आकाशाकां च्यानाच्चंगु ग्यास (सुजद्यो) हवांउल, ग्रह नं सनेमफत । थुबलेहे बोहरजुया न्हालंचाल । वय्कलं उछिमय् थुइकल— म्हगसय् म्हनाच्चंगु ला एतमया आकार (Atom model) सकाः खः । अले वय्कलं थुकिया आधारय् एतमया धापू (Atomic theory) पिकयादिल गुकिया निति वय्कःयात नोबेल सिरपां छाय्पिल ।

आः पलखयात कीसं मेगुहे छँपु स्वाये ।

ग्यावकीनल व थपसन धाःपि निम्ह बैज्ञानिकतय्सं छगू ज्यायात । प्लेटवर्म (Flatworm) धाःपि कीतय्त प्लास्तिकया तपेसय् तल । अले व तपेसयात छगू इलैक्ट्रिक सर्कितं स्वात । व तपेसं च्वसं खवीगुवातया बिजुलि मत नं तल । अले वय्कःपिसं कीतय्त इतिमिति खंकेथे मत स्याये-च्याके यात । मत च्यायेवं कीत ग्वारा-चिना वनिगु—इपि ग्यानाः मखूला जुइ । अले मत स्यायेवं हानं न्हापाथेहे जुयावइगु । तर भचा जायेवं कीतय्सं थुल मत च्याय्वं इस्त छुं मजुइगु जुयाच्चन धकाः । उक्के मत च्याःसां इपि कय्कुना मवन । थथे जुइ धुंकाः इस्त मत च्याकाः करेटं नं पुकल । अय् पायेवं इपि ग्वाराचिना वन । अलेला मतजक च्याकाः करेटं मपुकूसांहे इपि कय्कुनेगु यात धायेकि करेटं ज्वनिगु धकाः ग्यानाःला । थ्व जुल व कीतय्त छगूकथं ज्ञान बीगु—मत च्यातकि करेट वइला धकाः छयायेगु ज्ञान । गुगु इमिगु न्हापुइ च्वनेधुंकि ।

बैज्ञानिकतय ज्याकथं व तालिम प्राप्त कीतय्त बाक् बाक् थल । इमि न्हिप्यं व छयं छुतय्जुल । खतुं न्हिप्यं व छयं हानं विकसित जुयाः कीहे जुइ छुं ई लिपा । स्वला लिपा न्हिप्यनं विकसित जूपि व छयनं विकसित जूपि कीतय्त नं वहे मत ववय् तयाः स्वल । हानं छयनं विकसित जूपित नं त्वाकमछ्यासं मेगुहे मत ववय् तल । तर अन लिचवः छतांतुं पिज्वल । छयनं विकसित जूपि कीत मत च्यायेवं कय्कुन— करेट वइला धकाः । अथेतुं न्हिप्यनं विकसितजूपि नं मत च्यायेव कय्कुन ।

थ्व ज्याया लिचवःकथं कीयं भायेफु, लिपा बिकसित-तजूपि कीतय्के वया पुर्खाया ज्ञान न्हात—हिरेदितिया नियमं । व ज्ञान बैज्ञानिकतय्सं तालिम यानाः ब्यूगु खः ।

अथेतुं छगू जीबया ज्ञानयात मेम्हेसित बीगु मेगु नं काइदा दु । धाये— छुं छम्हेसित कीसं बांलाक तालिम

बिया: छता खं सीकेबिल । वयात छगू रंगया नसाजक नका: नयेज्यूगु व नयेमज्यूगु बस्तु म्हसीके बिल । थव खँय व पारंगत जुइवं वयात स्यात । वया न्ह्यपुया-ति पिकया: मेम्ह छुंहे मस्यूम्ह छुंयात आतापुतिखय् सुइ बिल । व लिपाया छुंनं धौपलख लिपाहे नसाया रंग म्हसीका: जक नइ । थव छगू ज्या-इव:या लिचव: ख: । थज्या:गु ज्याइव: खराचा, गोल्दफीस इत्यादि जीबतय्के नं सफल जूगु दु ।

युक्थं कीसं ज्या यानां यंकल धा:सा छम्ह मनूया ज्ञान व सीत्येका: लिक्का:लि मेम्हेसित बीज्यू । उलिजक मखु. फुक्क बैज्ञानिकतय् ज्ञान छम्हेसितुं बिया: मनू स्वयां नं छत चवयाम्ह 'भिन्न' दयेके फइला छु छु । अय् छाय् धाये- समुद्रय् लुकुंबीपि न्या (दलफिन्स) या ज्ञान झीसं कायेफइ, व्वइपि कंग:तय् ज्ञान कीसं कायेफइ । अले झीसं पशुपक्षिया भायनं सयेके फइ, मफइला ?

कीसं हानं छक: म्हगसया खँ त्हाये । अमेरिकाया बेल् तेलिफोन लेबोरेटरीया ईंजिनियरतय्सं नं म्हगसय् खंगु अक्कलयात ज्याय् छ्यल: आयन्ति-यरवयापट (Anti-aircraft) या नवसा तयार यात । धाइ— कार्तेसियन धा:म्हेसित नं म्हगसय् छगू बिवा:वल, वहे बिचारं छगू गणित शास्त्रया श्रृजना जुल व ख: कोओर्डि-नेट ज्योमेत्री (ज्यामिति व अलजेब्राया संमिश्रण) । थथेंतुं झीसं बाखनय् न्यनातइगु दु— निसंतानम्ह जुजुयात छवं म्हंक:वया: उपाय कनाथकुगु आदि आदि ।

तीसकं थव भेदयात उला स्वये । झीके गुगु ज्ञान

दइच्चंगु ख: व सुं छवं न्ह्यपुइ स्वथना थकूगु जुइमा: । गथे कीतय्त, पशुपक्षितय्त झीसं यानाचवना । नील्स बोहर व मेमेपित म्हगसय् म्हंगु अथे स्वथना थकूगु ज्ञानया भण्डार भाग्यं चालावंगु जुइ । अले व छोट छोट मखुपि मेपिहे जुइ— यक्व यक्व दं न्ह्यो पृथ्वीलय् चाह्य-व:पि अन्तरीक्ष यात्रीत । भूलं इस्त झीसं छोट धयाचवना । छाय्धा:सा सर बर्नार्ड लोवेल्लेजुं ५% नगुइ जीब दुगु ग्रह दइगु अनुमान यानादीगु दु । वय्कलं गलतया नं गलत— जुया: द्व:छिब्वय् छब्व जक ठिक जुयाब्यूसाहे नं झीगु नगुव्यबस्थाय् जीबधारी ग्रह दुगु नगु फिगू कीतिति दयेफु । उज्या:गु नगु—व्यबस्था गुलि दु गुलि दु । धा:सा ... की स्वयां स:-स्यूपि अथवा “भबिष्यया कीाप” स्वया:नं जा:पि जीबोत मदइला ? अले इपि पृथ्वीलय् चाहिला वन नं जुइफु गुगु खँ थौंकन्ह्य् पृथ्वीलय् लुया— व:गु सत्यं प्रमाणित यानाचवंगु दु ।

कीसं उन्नति यायां वनेगु मेगु छुं मखु बरू कीगु न्ह्यपुइ यदि अथे स्वथना थकूगु ख:सा वहे ज्ञानया उदघाटन यायेगु जक ख: । ला:सा व छोट धा:पिसं स्वयाचवंगु दइ— कीसं थन यानाचवनागु फुक्क ज्या । गथे की, पशुनय्त कीसं स्वयेफु । बिज्ञानया खँ चइगु चवसां हे थथे चवये— मालि— छव याकुयाकुथें झीसं यानाचवना ।

आसा यायेफु, झीत छोट धा:पिसं बियाथकूगु फुक्क ज्ञानया मालिक की जुइतिनि । भबिष्यय् कीत छवं नतूवइतिनि अथवा कीसं इस्त नतूवनेतिनि जुइ ।

(थव चवसु Erich Von Daniken या Return to Stars सफूया आधारय् चवयागु ख: । चवमि)

‘की’ या ग्राहक जुयादिसँ ।

दछिया झिनितका जक ।

चाय् चर्वपि

श्व इल्ल ...

नगु मखु चाया मिखा जुइ

चाया स्वे माल कि

यः हे च्यानाः स्वैगु जुइ

इल्ल श्व ...

चागः

जति च्याःगुलि नगु घाइ

नगु इल्ल

चां ह्यल्लहं मिखा, कंगु जुइ

श्व चा

मुकट्टा खे

मुकट्टा खन, कि सिङ्ग धाइ

श्व चा

चाय् गोतूपि सिङ्ग धुकल जुइ

वा-फय् गुबले वं

निभाः गुबले त्वं

हाय !

श्व चाय् चर्वपि

गुबले चुलि वइ

ह्वगंगु न्ह्यपु

श्व ह्वगंगु न्ह्यपुइ

गनं निभाः द्रहां वःगु जुइ

अहो ! श्व भौप्वाचां हःगु सुथय्

ख्वाउंगु भुतुलि

हीमो चायेकेत

हीमो चायेकेत

जि हे जक छाय् न्ह्यलं चाःगु जुइ

श्व लासया दथुइ

यः वे यायेत

जिगु न्ह्यपुइ

गनं जः द्राहां वःगु जुइ



कुम्हाःया घःचालय्

घडि दुने कंचि खं ला ?

ई कुचा कुचा याये माः

कापः न्ययां मगाः लं फिङ्ग माः

ज्याय् खेले जुइगु हे जूसा

छ कुचा कुचा जुइ माः

जि कुचा कुचा जुइ माः

न्ह्यतु न्ह्याये माः

छ्यात्तु छ्याये माः

कुम्हाःया घःचालय् पयतुइ माः

कंफियत

फुक वस्तु वदनाम जुइ धुंकल हाय ।
 फुक विचा: वदमाम जुइ धुंकल
 थ: योम्हसित तिमिला धया
 हाय ! उकी नं हि किइ धुंकल
 थ:गु वाद जनवाद धया
 व नं ध्यबा नवये धुंकल
 थ:गु लहा:-तुति हे जीवन धया
 थव ला स्वंगु ज्याम: जुइ धुंकल
 थ:गु भक्ति देश भक्ति धया
 थव कन् अन्धविश्वास जुइ धुंकल
 थ:गु चिनाखँयात भिखंया सूहा धया
 थव ला घच्चायापुगु वंखँ लुमंकेगु
 त्वह: जुइ धुंकल

(मेपिनिगु चिनाखँ ला अज व्यर्थ पणिगु

नांया घल: पौ जुइ धुंकल)

थौं यायेगु ज्या छु दनि
 थौं ल्हायेगु ज्या छु दनि
 थौं नयेगु खँ छु दनि

फुक वस्तु मिस्कट जुइ धुंकल हाय !

फुक विचा: कंफियत जुइ धुंकल

तारीफ

तारीफ तारीफ तारीफ

फताहा ख: गिरिजा छ फताहा

१. खायू खायूगु नमस्ते उलिमछि याये धुना नं
 भ्या: भचा थुकी पुना च्वंगु दनि बि योम्ह

२. असंख्य कूठ खँ न्यने धुना नं
 सत्ययात उत्तिकं हे पाय दनि

३. वाह ! नगु स्वया: तेला
 जि अमित खं

अमिसं जित: मखं

४. वाह !!! हिमाल नाया: समुद्र छवया व:थु ख:
 छववि छतिकि वय्त

१. लहा:या तारीफ

२. न्हाय्पंया तारीफ

३. मिखाया

४. छवविया तारीफ

वाह ! तारीफ तारीफ तारीफ

छ फताहा ख: गिरिजा

छंगु सटिफिकेट सय् ?

उकी छंगु जन्म मिति हे झूठ ख:

ओहो ! कूठ सत्य यायेत हे

आखिर सटिफिकेट मागु ख:

ल बु

(न्हु पिधिया प्रतिनिधि स्वला पौ)

याकन हे पिदनीगु दु ।

बन्दिपुर व अनया छगू अभिलेख

काशीनाथ तमोट

ने. सं. १०९३ कउलाया अन्तिम न्ह पाखे जि गण्डकी अञ्चलया तनहुँ जिल्लाया चुँदी रम्घाय् छुं न्ह तक नेपाली भाय्पा पुलाँह कवि भानुभक्त (ने. सं. १३४—१८९) बारे छुं खँ सिइकेत चाःहचू वना । अन गामय् किन्हू तक चवनाः जि दमौलि वना । २००५ सालं तनहुँया सदर मुकाम बन्दिपुरं दमौली हिउगुलि थौं कन्हय् अन विकासया जोश पिहां वयाचवंगु दु । दमौली यक्व नेवाःत दु । अन बन्दिपुर, पोखरा, खप, गोर्खाया नेवाःत वयाः चवंचवंगु दु । जि अन छहा नेवाःया होटेलय् चवनागुलि ला अन जि यक्वसिनं नेवाः भाय् लहानाचवंगु खना । अप्वः यानाः अन बन्दिपुरया नेवाःत चवचवंगु दु । पश्चिम नेपाल-या छगू तःधंगु थाय् खः धकाः जि बन्दिपुरया खँ न्यना तयागु खः । जि याकनं येँ लिहां मवःसां ज्यू कथं जिगु बिदा लयं दनिगुलि जितः बन्दिपुर वने मास्ति वल । उकि जि ने. सं. १०९४ कछलाया निन्हू खुन्हू किजापुजाया ताकय् दमौलि किच्यागू किलोमिटर येँपाखे दुम्ने वयाः थःगु सामान अन शेरचनतय् छगू होटेलय् त्वःताः छपाः ह्यिचा जक उवनाः बन्दिपुरपाखे वना । दुम्ने नौबिसे (पृथ्वी राजमार्ग व त्रिवुवन राजपथ बाइगु थाय्) १०९ कि. मि. दु । थुगु त्याखं थ्व थाय् येँ १३५ कि. मि. तापाः । दुम्ने बन्दिपुर धाःसा स्वंगू माइल ति जक दु, तर तँ जक गये माःगु । उकि जाः व तं न्यासि वनेबलय् न्याहास्यां म. बी. बि. शाहया थ्व म्ये लुमनी— “बन्दिपुरे

उकाली लामो, मर्स्या झुदी डुङ्गाले तरेर” (फेरि उसैको लागि— ल्याः २८) । बन्दिपुरया व काव्यात्मक तँ गया-चवनाबलय् जितः अन नेवाः समाज व भाय् वारे छुं खँ सीके दःसा थःगु छन्हूया यात्रा नं बाँहे लाइगु खइ धइगु मती वयाचवन । थथेहे अनेनेगु कल्पना यायां थाय्थासय् चवंगु चौतराय् पयतुतुं जि बन्दिपुर थ्यन । बहनि जुइ त्यंगुलि न्हापां चवनेगु थाय् निं माला । अन थौं कन्हय् थय्क स्वयेबलय् होटेल थें चवंगु थाय् मदु, छाया धाःसा चव हे दुगु मखु । अय्सां हगू निगू च्या पसः धाःसा दु । छथाय् जितः चवनेत नं दत । बहनि जूगुलि उखुन्हू किजापुजां छेँखा पतिकं पाला च्याकाः स्वन्तिया न्याइपुगु ई अन न्हिलाचवंगु जि प्यछयरं खना । साहुतय् छेँय् कुलमल मन्तल च्याका तल भेपिनि लात्तिन । अबलय् जितः भोजपुरया साप लुमन्ति वल । तर जि थौं बन्दि-पुरय् । पूर्व ४ नं या मनू जि थौं पश्चिम ३ नं पाखे थ्यना चवन । अन छम्हस्यां जि थज्याःगु नखः बलय् नं थथे चाःहिलाचवंगु खनाः “छिकपिन्थाय् स्वन्ति न्यायेकी मखु ला ?” धकाः न्यन । तर जिगु निंति थथे चाःहिलाः छुं ज्ञान, गुण लायेगु हे नखः खः धकाः छु धया चवने धइगु मती तयाः “न्यायेकू” जक धया । जि धया— “छेँ तापाः-गुलि थुगुसी मवना, थुखेपाखे चाः हचू वया ।”

बन्दिपुरय् थ्यनाः चवनेगु थाय् दसैलि अनया वक्वबय् पुलांगु देगः गुगु जुइ धकाः न्यना । अनया

दक्कवव्य् पुलांगु देगः विन्ध्यवासिनीया न्ह्याःने हे जि चवनागु जुया च्वन । थौकन्ह्य् अन छः मडु, थगुने पुसं खुया यंकूगु जुया च्वन । व्यलि सिधयेकाः बहनि घौछि जि अनया बजार चाःहिलाः छना च्वनाबल्य् जि अन विन्ध्यवासिनी देगःया सतल्य् भजन यानाच्वंगु ताल । व भजन अथेहे खः गथे येँ, यल, खवप, तान्सेन, भोजपुर पाखे पर्वपर्व्य् हालीगु खः । कन्ह्य् खुनु भजनय् ब्वति काःम्ह छम्ह बुरायाके न्यनाः सिल, भजं म्ये नेवाः भासं, नेपालि व हिन्दि नं हाः । कन्ह्य् खुनु सुथय् व न्हिनय् जि बन्दिपुर बजार बांलाक चाःहिला । अन विन्ध्यवासिनीया देगः त्वःताः महाद्यः, भिद्यः, महाकाली छः आदिया देगः नं दु । तर अनया मनूतसें पुज्यानाच्वंगु दकल्य् तः धंम्ह छः विन्ध्य-वासिनी हे खः । व दकल्य् पुलांगु देगः नं खः । थय्क विचाः याना स्वयेबल्य् बन्दिपुरया नां नं थ्वहे छःया नामं च्वंवःगु थें च्वं । विन्ध्यवासिनीया चिहोकाःगु रूप बिन्ध्य-बिन्ध्य-बन्ध्य-बन्धे-बन्दि जुयाः बन्दिपुर जुइ नं फु । उकिं व देगः अन दकल्य् तःजाः, तःधं व बांलाः । जि अन देगः पतिकं छुं अभिलेख च्वया तःगु दु ला धकाः स्वया । नेपाली भासं च्वया तःगु अप्वःथें शिलालेख अपाय्स्कं पुलां मजू । अथेहे न्येदँ खुइदँ न्हापाया, गुलि सछि दँ थ्यंमथ्यं तकया जक खना । तर विन्ध्यवासिनी छःया मूलुखा च्वय् लुखाफुसय् २" × ४ $\frac{1}{2}$ " नापय् नेवाः भासं च्वया तःगुली नं जिगु मिखा वन । व खनाः जि साप लय्ताया । व अभिलेख खनेवं जितः भोजपुर, टक्सारया दकल्य् पुलांगु देगः विद्याघरी अजिमा छःया ने. सं. १०११ या अभिलेख खनाः ल्ह्याया ह्ये खंगुलि "नेपाल भाषा साहित्यया जातः" (पौ-२६०) स दुथ्याके दुगु लुमंसे वल । थ्व जाः भोजपुरया सिकं पुलांगु जुया च्वन । आखः धाःसा भोजपुरया नेवाः आखलं, थ्व देवनागरी । तर ल्याःग्वः धाःसा थुकी नं नेवाः आखलं हे

च्वया तल । अनया छ्हा बुराम्ह पसत्या नाप नेवाः भासं च्वया तःगु अभिलेख नं थन दु खनि धकाः खँ छुनाबल्य् वय्कलं अनच्वंपि नेवाःतसें व भाय् मथ् धकाः धाल । छि थू ला धकाः जकं न्यन का बह । व अभिलेख थथे दुगु जुया च्वन—

- १) "स्वस्ति श्री ३ बंदेपुरया विंदुवासिनी पीति न म
- २) नोरथ नलिल (ललित ?) भाजुया तोलं द्यकव दुंतो जुलो
- ३) सम्बत् १५० (१८० ?) मिति आश्विन शुदि १० रोज २
- ४) शुभ ॥"

थ्व जुल नेवाः भाय्या अभिलेखया खँ । तर अन मेमेगु खँय् नं नेवाः पहः दु । स्वसःखा ति छें दुगु बन्दिपुर बजारय् सः चय्म्हं (८०%) अप्वः नेवाःत जक दु थें च्वं । अनया छें गुलि मल्लकालीन नेपाः पहः वःसा साहुतय् छें राणाकालीन पश्चिमी पहःया नं दु । फुक छेंय् धयार्थे बार्दलि पिकया तःगु दु । पौ गनं टिनया गनं त्वहंया दु । फुक धयार्थे त्वाल्य् छगः छगः देगः दुगु हे जुया च्वन । अन सार्वजनिक कल हिति नं दु । दकल्य् प्रभावित याइगु खँ छु धाःसा अनया आंगरा (आंगन) त्वहंतं सिया तःगु दु, उकिं यच् । अन छम्ह ल्याय्म्हं जितः धाल, अनया पद्म पुस्तकालय, २००४ सालं चाःगु, न्हापा सदर मुकाम दुबल्य् बांलाक ज्या जूगु खः, तर आः ल्याय्म्हत धाक्व पिहां वने माःगु जूगुलि ज्या दिना च्वन, आः हानं चायेकीगु जुल । न्हापा बन्दिपुरं हे पाल्पा, पोखरा पाखे कापः आदि सामान च्छाइगु । थ्व थाय् प्यखेरिखेया दथुयाय् जुयाच्वंगु खः, तर आः पृथ्वी राज-मार्ग दमौलि जुनाः वंसौलि अन सदरमुकाम च्वनाः थन मनूत वः मन्त । लःफय् बांलाःगुलि थन त्वःता वने (त्यं १६ पेजय्)

म्वानाचवंगु इतिहास

रत्नवहादुर साय्मि

गामय् थ्यकेत आपा: वनेम्वा:ल । छत्वा:चा जक तें गयेमानि । द्यो ख्युँ ख्युँ धाये धुंकल । भिखाचाछेँ पतिकं मत नं पुलुपालुं च्यानावल । सुनसान । उखेपाखे व्यासी कलकल स: वयेक ववम्वानाचवंगु खुसिचा । फात्तफुत्त मत च्याका: ब्वैजूपि फुतिफुतिगेरा: अले किररर किररर हाला: उखेंथुखें ब्वैचवंपि किलकिलचात सिवे मेगु छुं मरु । गनं गनं ग्यानापुसे च्वंक उयाह्चवंगु गां-खिचाया स: । तिमिला जां थिना चवन । लें सिथय् च्वंगु पंस्वं तिमिलाया ज: किना: बछि लें ग्रहणं ज्वंगुथें हाकुसे च्वं । गांया दशा खना: फूचायाचवंगु पंस्वं नं फसं याना: ख:थें मखुथें इलि किल सनाचवन । मानो वहे सनाचवंगु पंस्वं गांया इतिहास कनाचवंगुथें । स्वस्वं म्हाइपुसे च्वं । मन काँइइइ मि । वनाचवनाम्हेसिया मनय् वात्तुवां खं त्हानाचवन- 'थुजा:गु मोर गया. गय्वनेगु थवेती ? थौं च्छि थनहे बाय्चवने मालला ? च्छि पातं छु हे ज्वी धका: । कम्हे न्हापनंला खंहे खनिनि ।' न्ह्यानाचवंगु पला: शिथिल जुजुंवन । तर दछि दछि तक खवा:स्वय् आय्बुया च्वंगु जिगु मिखां अथे मधयेकल । वनेगुहे वव:जित । अले निस्तारं पला: न्ह्याका ।

च्यापला: फ़िपला:ति वनेधुंका: सुनानं मुसुतंह:गु सलं जित: लिफ: स्वकल । लँया जवपाखे पिडी चवना: आलेबुरा सोठचाय् वजां त्वनाचवंगु । व खनेवं जिगु पला: दित । वंगु खवा: छक: नं स्वया वने धंगु मतीं उखेपाखेहे पला: न्ह्याका । तिमिलाया चा जूसां आलेबुरां अपाय्चव: मिखां

तिपयाये मफु । जिहे न्यना- 'आलेबा:, म्हं फुला ?

'सु किसमांचाला ?' व म्हतुइ प्यपुना च्वंगु सोठचा चीका: न्यन ।

'कान्छा' जि थ:गु व्याग बँय् दिका: धया ।

'ए ! चौतारायाम्ह कान्छाला ? वा बाबु, वा'

'बेलि सिधल ?'

'सिधल बाबु, सिधल । वजां छचिलं त्वनेधका: नक-
तिनि पयतूवंगु । सहरं नकतिनि थ्यंक: वइगुला ?'

जि ख: धैथें छयो संका । वं हाकनं लिसाकाल-
'फेतु बाबु, वा । छला सापहे तापा:खवा: जुयाचवनका ।
व्याहा सिधयेवं वंम्ह । माया नं मदुला छं ... ?'

'दयां छुयाये आबा, म्हतुइ पाकांसुइ मजिल' ख्या:
यायेथें धया । नापं पयतूवना ।

'थाकु हला जागीर नयेगु । थ: मनदुबले छें वये दैगु
मखु । आ: गबले वनेगु बाबु ?

'मोहनि छगू सिधयेके अले वनेका । थन च्वंचवनां
छुयाये, तलव पाकय् ज्वोगु मखु ।'

सुं तत:सलं हाला ह:गु सलं जि कसंक वन । थय्क
लिफ: स्वया । जिगु मिखा कलकल स:वयेक न्ह्यानाचवंगु
खुसिचा पाखे ला:वन । तिमिलाया ज:लय् निम्ह स्वम्ह
मनूत खुसि सिथय् इरुथिरु जुया चवन ।

'आले बा ! आले बा !! अन ... खुसो ... ?'
आलेबुरां उकियात छुं वास्ता मया: । मता:ला छुथें अथवा

ताःसां मताःला छुथें । मानो ताःखायनं ताःसां मताःछु
याइथे । जि अथे हालागुलि दुने- छेरी जा नया च्वंम्ह
आलेबुराया कलातं धंहेल- 'दुनेवा, दुनेवा खापातिनाः ।
च्वंचवने मते आमकन ।'

कलाःम्हेसिगु खं न्यनाः आले बुरा दन । जि नं दनाःदुहां
वना । आलेबुरां खापा तिनाः छकः ऊसुका तल । जि पाखे
स्वत- 'कान्छा, यौ थनहे दचो न्हे ? लिबाः न्हिवाः
जुइमते । छुयाये ... ।'

उलिसिवे व बुरां छुं मधाः । सोठचा ज्वनाःतुं अगे-
नाया न्होने पयतुत । जि नं पयतुना- 'गामय् सकसितं म्हं
फु मखुला आले बाः ?'

जिगु थव न्ह्यासलं बुराया मत्ती छु लुलथें जितः स्वयाः
छकः ताहाकःगु ऊसुकाः तल ।

'गांयागु खं न्यनेगुला ? धाधां सोठ्या चीकल ।
अबलेहे कलाःम्हेसिगु सः थवेल- 'मवाल मवाल हालेमते ।
नयाचवनायाय् ... ।'

बुरियागु थव वाक्य न्यनाः बुरां छुं विरोध याये मफुत ।
सुम्कतुं च्वन । इमि निम्हेसिया दथुइ जूगु व्यबहार खनाः
छखेला जि लाता नं जुल, छु जूगु थव धयाथें । तोल्लेजुयाः
बुरायागु खाःस्वया च्वना ।

नये सिधयेकाः छनेगु सुरयाये धुन । बुरां बजां यनाः
नापं पयतूवल । बःबः उत्सुकता मनय् स्वथनाः जि न्यनेत
बुराया खवालया मिखा जुका च्वना । जिगु भाव थुयाःला
छुथें बुरां धयाहल- 'न्ह्याथेहे धाःसां थव गामय् भचा
अत्याचारहे हुं' इयातु पहलं धयाः बजां साल ।

'छाय् छु जुल आबा ?' जिगु म्हुतु सुम्क तयातये
मफुत, धया ।

'छु जुल धाये । जूजूगु जुलका । थवहे मिखां गजाःगु-
तक नं स्वये माला वन । ऊसुकाः तल । जि पाखे स्वत-
'नकली । बिया छ्वयाः दछि हे मडुनि ... ।'

नकली धंगु शब्द न्यनेधं जिगु उत्सुकता न्ह्यालं चाल-
गुलि हिसिउम्ह मिसा । गुलि नायू वंगु सः । न्ह्याबलया
स्वःसां मुसुमुसु काः । नकलीया खाःया छगू छगू चि जिगु
मिखां व्वना च्वन- 'छु नकलीया न्ह्याहा जुलला ?

'न्याहा जूगु मखु । बिया छ्वःगु । मां गतिमलातकि
मचाखाचां दुःख सीयः धयातःगु धाथें खः खनि ।' धाधां
मचायेकहे बुराया म्हुतुं खं बाः वल- 'पारि गामय् च्वंम्ह
जिमिदारया काय्यात बिया छ्वःगु । अजाःम्हेसित बिया
छ्वःगुका । छं सिहेस्यूनि व मनू ।

छन्हु नकली धायलःवम्हेसित खनथें । वनय् हे छु
छु यातथें वं । निन्हु स्वन्हु तकला पिहांवये ग्याः नकली ।
छन्हु जिमिदारया काय् नकलीचिया मांयाथाय् वल ।
मस्यु धनप्वः ज्वंकल मखा जुइ । अपायधंम्ह जिमिदारया
काय् ... । उखुन्हु हे सन्ध्याइलया नकली धंप ज्वनाः लः
काःवंगु । लँय् दथुइ हे छम्हस्यां घः लाका काल । नकली
चिल्लाय् दनाः हाल । तर छुयाये ... । इमि न्ह्यापाहे खं
भिलय्याना तयेधुंकल खनि । मेम्ह वयाः म्हुतुपवाः तिकल ।
उलिया दुने मेपि नेम्ह स्वम्ह मनूत नं मुने धुंकल ।
बिचरा नकली छुं च्वलय् लाःम्ह छुं चाथें हालेहे पावय्
मजू । यंकल ।

लछि लिपा नकली हानं गामय्हे खनेदत । बिस्सु
वलला मस्यु । नकलीचिया मां गां थक्क जागय् जुल-
'लछि लछि तक तने धुंकाःनं ... । छु न्ह्यास जि गामय्
खाः व्वयेगु ? स्वैथाय् वनागु का धा । सत्य नं जिला
सहयाये मखु' । अबलेहे जिमिदारया काय् थ्यंकः वल ।
मस्यु पहलं छु जुल छु जुल धकाः न्यना च्वन । नकली-
चिया मामं नं लहाः बित्ति यानाः जूगु खं फुक्क धाल ।
मस्यु छु मत्तीवलथें जिमिदारया काय्या अवले, तप्यंक
धाल- 'छुं धन्दा कायेम्वाः, जि यंके थ्वेत । न्याहा खर्च
माःसां जिहे बी ।' थव प्रस्ताव मिखाय् पत्ति चिकातया-

तःपि गामय्चवंपिसं समर्थन यात- 'भाग्यमानि जुलका नकली मां । अपाय् धंम्ह काजियाथाय् ... ।' नकली ग्याग्यां म्ह खाकाः ह्वाय् ह्वाय् खवेचन । आखिरे वंतहे बिया छवत ।

छन्हु जि पिडीचवनाः वजातवनाचवनागु । आकाशाकाय् नकली खन । जिगु म्हत् सुम्ह तयातये मफुत न्यना- थःछे वयाला छोरी ? आः गबले वनेगु ?

मिखां जायेक खबितयाः भागियाःववं धाल- 'गबले वने मखुत आले बाः गबले वने मखुत' धाधां ह्वाय् ह्वाय् खवल । वंगु छे न्यन्य जि आतां चवंचवना । लं तोतुतोतुं हाकनं धाल वं- 'स्व बाः, ज्यनमाराया चि'

वंगु म्ह खंबलय् जिगु मिखाय् जालिं भुन- उफ ! अजाःगु तुय्गु म्हय् हाकुक्क त्याःत्याः कोर्दिया दाम । गनंला लाहे तज्यानाः हि पिहां वयाचवंगु । स्वस्वं स्वये मफुत जि, वाक्कुछिनाः मिखा तिसिना । जिजक ज्यूसा जिहे लहिना- तये माःसेवः । तर छुयाये ... ।

मचाहे जुइ मलाःनिबलय् मचा बुइकईपि मिसातय्सं थः मचातय्त गथे मायायाये सइ । नकली थःछे वयाःचवंसां चितासू मडु । हिंहिं कचकच । छुं छगू खितिक जुलकि मांम्हेसिया सलं गां थवये धुंकइ- 'छु ज्या याना नइ छं । छगू ज्या गतिलाःसो धकाः । अय्जुयाःला भाःतपिथाय् चवने मफुगु । हुं छिमिथाय् हे हुं । भाःत छम्ह जक खुसि यानाः नयेफःसां गाः । अले विचरा नकली थःम्ह मांया ममतं भुक्त जुयाः बाःचाधिकःम्ह किजा पासा बवनाः भातः- पिथाय् हे वनेगु ववःछित ।

लुखाखलु भागियानाः पिहांवःम्ह नकली, चौताराय् थ्यनेवं तक्क दित । किजायात छकः तुंक स्वत, गबले मखंनिम्हेसित स्वयेथे । अले छकः सकभनं मिखाव्वल । मस्यु छु मत्ती वलथे, किजायात छमो वां बियाः धाल- बावु हूं पसलय् वनाः छं यःयःगु न्याना वा । की तापाक्क

वनेमानि खला । मामं जितः हिंहिं ब्वःवीगु । आः गबले वये मखुत न्है ?

किजां छुं नं लिसः वी मफु । तताम्हेसिगु खवाःजक त्वालां स्वयाचवन । 'ना, याकनं वा । जि बुलुहुं न्हापा द्वा चवन न्है ?' धाधां मिखां खबि स्वःस्वः वयेकाः विस्तारं भीर पाखे पलाः न्हाकल । पसिपवः लैया सिथय् लाक्क तल । थः थम्हंतुं छकः मुसुक्क न्हिल । माकुक्क छकः सासः ल्हात । '... तता ! धकाः सःतूगु सःयातहे वास्ता मतसं न्हापा- लाक्कहे थः व भीरं ववव्वाःवन । गबले स्वयेमनंनिगु छगू दृश्य गांयापिनि मिखाय् तया वन' धाधां बुरां कस्सिक मिखा तिसिनाकाल । वंगु मिखां कात्तुकाक्कहे खबि पिहां वल । गबेत अथे चवने धुंकाः विस्तारं मिखा चायेकल । फसं ध्वानाहःगु धूथे, वया म्हतुनं मचाय्कहे छे ध्वानाहल- 'गांयापि मनूत चिल्लाय् दनाचवंचवहे व ब्यासी थ्यने धुंकल । सकस्यां थःथःगु नुगःयात चिनाः ब्यासी वना । उफ ! व दृश्य, न्ह्यु सुदांहे चिच्चाः मिच्चाः दं । तुति छपा धकाःहे दुगु मखु, ल्हाः छपाधकाःहे दुगु मखु । वगरें त्यात्या यानातःगु लार्थे छयाःल ब्याःल । गवःम्हमंछिला मुछहि जू ।'

वडगु म्हतु थ्याप्पहे दित । न्ह्योनेपाखे कलाःम्ह सुकुसुकुं खया चवन । खबि स्वःस्वः वयेकाः बुरीयागु खवाः स्वत, मानो उलिसिबे जि धायेमफुत मेगु छं कै धयाचवंथे । वंगु खवाः खनाः जिगु मिखां नं खबि हाल । आलेबुरायागु खवाल्य् जि नकलीया खवाः लुइका चवना । कान्दाई धकाः सःतीगु नायूगु सः जिगु न्हाय्पनय् थवइचवन । सःस्वःथाय् नकलीं जायाचवन । लखंलख नकलीया कन्नाचायापुगु सःथे जुयाः झूचाया चवन थ्व निःटव्ठ सन्नाताय् ।' आले बुरां तःहाकःगु फसुकाः तल । जि स्वये वं कनाचवंगु गांया भ्वानाचवंगु स्वस्थानिथे चवन ।

अन्यायहे बिद्रोहया पुसा खः

अष्टमुनि गुभाःजु

ई :- वहनी, थाय् :- छगू बल्चा ।
(धर्कि बुलुहुं चाला वनी)

याननिसें वःगु कन्नाचाइपुसे च्वंगु सःलिसें दथुइ दथुइ भूलूखा, खिचा, व धोतयगु सः तायेदयाचवनी । बल्चिया जः खः निहा मन् भुग्लुं च्वं चवनी । थुबाय्ती छहा बुराया प्रवेश जुइ । व उखें थुखें स्वइ । छक्कः थारक्क न्हुइ । मू हाली । बाताबरण भचा स्तब्ध तुं जुइ बुरां अमिपाखे स्वयाः पलाः घुमुहुं न्ह्याकी । हानं भचा मुम्कहे चवनी ।

छहाहा - (दैं दं भचा भावपूर्ण सलं) छ ... सु ... ?

धया दियागु ?

बुरा - जि ... जि ... जि ... जि थःत छु धकाः बुरा

- मतलब छिम्सं मथुल ?

हासीका विडगु ? पिनेला छिम्सं खनाहे

(निम्हस्यां खः धैथें छचनं क्वाइ)

च्वंगु दु । जि छहा बुरा (भचा दिनाः)

थुइनं मखु । थौं तक्कया थव मनुखं सुनां

बस ! जि बुरा थुलिहे मखाः माःगु

सुइत थूगु दु धकाः । तर जितः बिस्वास

छिम्त ?

दु व दिन वइ तिति । मनुखं मनूयात

निहाहा - (वयात क्वथीक स्वयाः दैं दं) हास्पू

थुइतिति । उकिंला म्वाता चवनागु जि ।

हास्पूथें गल्लें गनं खनाथें ... मखु ... छम्हम्ह

- (ख्वालय् न्ह्यासःचि लुइकाः) अले ...

सु ... छि ?

थव ... बल्चा ?

बुरा - जि ... जि ... (उखें थुखें स्वयाः बल्चा- बुरा

- अँ थव बल्चा । निगः प्यंगः पंया द्योने

पाखे तुतामं क्यनाः) जि ... वहे बल्चा ।

सुसा, घजा घिजा थव जि ... जिगु बल्चा

छम्हम्ह - (मचा संका त्वाकज्याःगु उत्सुकतां)

(यानय् तुं क मिखा दिकाः तुतामं

वहे बल्चा ? ...

क्यनाः) स्व ! हुँकन स्व ! छु व ?

बुरा - वहेला जि धैगु छिपि पत्याः जुइ मखु ।

(निम्हस्यां उत्सुकतां जाःगु मिखां उखे

तर धात्थेंगु खें जि वहे बल्चा खः ।

पाखे स्वइ)

जिगु थौं तक्कया अस्तित्व ... जि दनि निम्हम्ह

- देगः ।

धैगुया चि (मुतिहि बल्चापाखे न्ह्या-

छम्हम्ह

- तल्लु देगः ।

नाः) थव ... थवहे बल्चा ।

बुरा

- मखु वयानं उखे हुं छु हुं ?

निम्हम्ह - (छुं मथूथें ख्वाः ज्यानाः) मखु छि छु

निम्हम्ह

- हुँ झलमल सत च्याना च्वंगु थाय्ला ?

- बुरा - हः वहे खः वहे ।
- छम्हम्ह - वला जम्दार प्रताप चन्दया दरबारका ।
- बुरा - खः वहे दरबार खः अले वैगु न्होने थ्व बल्चा छु खः लय् ?
- निम्हम्ह - क्याः गन दरबार गन बल्चा ।
- बुरा - तर छिपि पत्याः जूला ? व दरबार दम्ह थ्वहे बल्चा खः थौं व प्रताप चन्दया दरबार जुल अले थ्व बल्चा हारांचियागु ।
- छम्हम्ह - हां ! हारांचा ? अय्सा छि हारांचा ककाला ?
- बुरा - खः जि हारांचा ।
- निम्हम्ह - तुयू दाइया बी ?
- बुरा - खः तुयू जि तःधीम्ह काय् । व मदुगुला म्हिगःहे तितिनि मखाः ? जि स्यू वैंतन वहे कुज्जातं स्याःगु खः अकिला जि जेलया पःखाः तछ्यानाः वयेफुगु थौं वैंतला वैंत ...
- छम्हम्ह - जिपि नं दु ककाः जिपिनं दु ।
- निम्हम्ह - दु ! जिपि नं दु वैगु ज्यानहे मकासैं ... !
- बुरा - (खँ त्वाःल्हानाः) मखु ... मखु ... मस्त ... मखु व धम्ह वहे जक मखु वला शोषक रुपि सिमाया कचा जक खः हाहे ल्येथने मफयेक कचाजक त्वाथलाया मतलब छु ?
- (निम्हं उत्सुकतां जाःगु सिखां त्वल्हे जुइ)
- छम्हम्ह - अय् धइगु छु ?
- बुरा - अय् धइगु अय् धइगुहे थ्व सामन्ति-बाद खः । छम्हचा सामन्तसैं भाट कबि व पुरोहिततय्त भाग्यया गुणगान

निहाह्य

बुरा

छम्हम्ह

बुरा

याकाः गन झीगु हि चःति अमिगु लाय्कू बंगला धस्वाकेत क्रीत बाध्ययाना उवनिइ गन स्वस्वखं क्रीगु आयू लाकाः अपि छपुचः जक चिरंजिबि जुइ अन्तर्गु कानून दयेका चवनी । थ्व निरंकुस पद्धतियात पाचुक्क न्हंकेगुहे व शोषणरुपि सिमाया हा ल्ये थनेगु खः । मनूया संसारय् मनू जुयाः म्वाये थुलिहे मखुला क्रीगु इच्छा । उफ् थज्याःगु इच्छा याइपि नं अपराधि धायेकाः झ्यालखा-नाय् स्वथंका चवनेमाःगु-जि कसा नयाः मत्थवं सिना वनेमाःगु थ्व थाय् क्याः गजब ! थ्व लाखय् जिगु देश हँ ... जिगु देश (हानं भाव हीकाः वृद्ध जुयाः) तर थ्व जिगुहे देश खः, सुनां धाइ थ्व देश जिगु मखु ?

- गय् यानाः क्रीगु धायेगु ? गन क्रीत छुं मदु ।

- हः ! थ्व नं छगू न्ह्यसः खः, न्यनेहेमाःगु न्ह्यसः खः । क्रीगु खयाः नं थन झीत छुं मदु । न्हापा थ्व खँ लुमनेवं जिगु नुगलय् अजुगति, तं, छुछु छुछु उर्सिहि दना वइगु तर थौं जितः अथे मजू । जि सिल, को क्रीहे क्री मजूसा क्रीगु देश जक गथे क्रीगु जुइ ।

- (वाः चाया वथे) खः... खः... धाथें खः नकतिनि मिखा चायेकाः स्वया चवनाथें .. कका ... !

-- बाबु ! मिखा जक चालां नं मज्यू मिखा-या ज्या ला खः फगत स्वयेगु तर गये

मानिगुला व पर्वः खः व समस्याया
तजाःगु पर्वः । आसे न्ह्यानावं वया
च्वंगु थ्व ईया खुसिबालप् छन्हु व
औसर नापनं की ध्वदुइ मानि गुके
संन्हो वयेका च्वम्ह तुतिया गतियात नं
जुरुजारं थना बी । (भचा भाव हीकाः)
न्यँ मस्त जि जिगु बःचाधंगु बाखं कने-

छन्हु व कुज्जात जम्दारं स्वस्व
खहे जिगु न्होने छम्ह मिसाया सत्तित्व
हनन यानाः अज्ज वहे कुज्जातं थःगु
इज्जतया निति व मिसायात स्यायेगुली
तक्कं लिफः मस्वः तर जि व मिसाया
ज्यान दइ तिनिला धकाः काचाकाचां
जवं वना । थुबलय् ... थुबलय्हे ... जि
... जि ... इयालखाना वने माल । खला
जि न्हापांसि व कुज्जातया मिखाया
धू ... अले ... अले ...

आखालं

- (स्यालं दना वःगु चिल्लाय् दना सः)
छं ... छं ... थोमते ... जितः थोमते ... आः
SS ... छं ... अय् हत्यारा ! अय् ज्यान-
मारा ! अय् गांमारा छंगु पापया
भ्याकं पू जुइ सिकं जितः बरु सिना
वनेगुहे यो अय् पापिष्ट पापन्डि जिमि
मां दाजु जक स्यानां मगानाः थौं छं
जितः नं स्याःगु दु खबरदार ! तर थ्व
गां सोगु मडुनि ... तर थ्व गां सोगु
मडुनि ।

मैथकुं

- (दृहां ववं) आसे ... खबरदार ! ...
खबरदार ! ... आः SSS
(बैय् भाराक्क ववः दइ)

छम्हम्ह }
निम्हम्ह }

- (आतय् चाचां) अय् . अय् . अय् ...
मै थकुं !

गांया मनूत

- (छबथां सेसें मिक व्वाय् ववं छम्हस्यां)
आका झाकां चिल्लाय् मिलाय् दनाः
हालाहल, स्वयांला च्वय् जम्दारया छेँ
पाखे व्वाय् व्वाय् वया च्वंगु । थ्व जुइ
धकाःला मतिड नं मडु (ग्वतुला च्वम्हे-
सित वयेंकयं) स्व . स्व ... स्व छुरा
... छुरा ... छुरा

निम्हम्ह

- (ऊक्के जुयोः मैथकुंया लिक्क वेंवें)
हां ... ! ... (तिइजक छुरा लिकाइ)

मै थकुं

- आः SSS ... (म्ह तिल्ल प्यंकी छयं
याग्लाक्क वनी)

बुराबाहेक)
सकल

- का ... का ... का मस्त ... च्च ... च्च ...

(१६ पेजया ल्यं)

मस्त ... ।

गायाछम्ह मनू

- भिगः तिनि दाजुम्हेसित स्यात । थौं
थ्वयात अन्याः ... घोर अन्याः
(सर्गतय् थस्वस्वं ल्हाः व्वयेकु
व्वयेकुं) परमेस्वर ! थ्व छं छु स्वया
च्वनागु थ्व ?

बुरा

- (लागिमिगि चाचां) कां .. कां ... कां
... त्वःति आमु परमेस्वर पारमेस्वर,
दहे मडुम्हेसित बिस्वास यानाः थःगु
शक्ति हस्ताः याना च्वंपि अय् ध्वांत
.. (भाव हीकाः) जि छु यायेगु ? ...
जि थुम्त छु धायेगु ? (म्ह्याय्या छयं
थःगु मुलय् दिकाः कन्ना चाइपुगु सलं)
पुता ... ! ... पुता ... ! ... गुलि अभापि

श्व छिमि बी, बू बलय्ला स्वये मखन
मखन तर जि थौं छन्त स्वइ चवना छ
थःहे थःके मदये धुंकाः... तर तर...
श्व हिइसे हिइसे च्वंगु घाः घाःहे जक
जुयाः लयना चवनी ?

बुरा

(फुक्कसितं छसीकथं स्वयाः

म्हायया छचं बैय् दिकाः)

धा छिपि पत्याः जूला ? छु श्व कीगु
नुगलय् घाःहे जक जुयाः च्वंचवनी ?

(सकस्यां छचनं चवनी मखु

धायेथें भाय् यानाः लहाःतं मिखाया
खबिबि हुइ । बुरां तिइजक बैय् च्वंगु

म्हूचां श्वाथः छकू लिकयाकथं मै
थकुंया बेक्कवय् च्वंगु हि हुया काइ ।

सकस्यां

छप्पाः म्हुतुं)

[स्वाःपुत्रःया ग्बसायय् जूगु न्हापांगु नेपाल भाषा छधाः प्याखं प्रतियोगिताय् रचनाय् न्हाप लाःगु]

(९ पैजया लय)

मास्ति मवः, तर प्वाःया निति पिने वने माला चवन । आः
अन दुम्ने बन्दिपुर तक मोटर लँ म्हुइ धुंकागुलि छुं भचा
विकास जुइ ला धइगु आशा दु तर बनेज्या न्हापा थें जुइगु
धाःसा मखुत । न्हापा अन छेंछा पतिकं पसः दुगुली आः
पने धुंका ।

जि बन्दिपुर वना, वया, सिधल । तर जिगु नुगलय्

अन वनाः छगू भावुकता पिदन— इल गुगुं न थाय्यात
थकाये वा क्ककाये फु । गुगुं थाय्या भौगोलिक दृष्टभूमी
उगु थाय्या छगू तःधंगु आधार जुइ । नीदें सुइदें न्हाः
बन्दिपुर गय्क्क चहःपहः दुगु थाय्-थौं वहे थाय् फिजां
दें थें, ऐतिहासिक तःजिपहः जक लयनाच्वंगु । श्व खें
लुमनेव आः नं जितः गथेसे चवना वइ ।

चवयागु ई—३ पुस. २०२९

सुज्याया निति

थःथाय् देशय् दयेक्कगु सुका छयला दिसं ।

जिमिगु उत्पादन

शेर मार्का, चाँद मार्का व स्वस्तिक मार्का सुका न्हाबलें लुमंका दिसं ।

सिद्धि थूद इण्डस्ट्रिज प्रा. लि.

ज्यासः

ये ।

फोन नं १३००६

मू ज्याकुथि

मखंत्वाः, ये ।

फोन नं. १४०५३ व १४०५४

थौया कविता

बुद्ध साय्मि

छन्द व मात्रां मुक्तया चि न्ह कविताया दकलपु, पुलांगु दापू जुइ धुंकल । थौया कविताया स्वरूप दुने पिने हिले धुंकूगु दु । गुलिसिनं थौया कविताया चि थौया बस्तुया छ्यला खः धाइ । थुगु बिचाः कथं पुलांपिसं बिम्बया रूपय् ऊंगःयात काल धाःसा थौं याम्हं जम्बो-बिमान रकेट आदिघात काये माल । तर बस्तुया हिला हे थौया कविताया चि जुइमाः धंगु छुं आबरयक मदु । निम्ह मनू काये छम्ह मुति भक्त, मेम्ह टूकया स्टेरिंग भागि याइम्ह । परंपरागत मुति पुज्याइम्हसिया न्ह्योने स्टेरिङ्ग भागियाइम्ह डाइभरयात छु कीसं न्हम्ह मनू धायेस्वः ला ? पाःगु ला थन बस्तु जक । अझ डाइभरया व प्रवृत्ति ला हिला वना च्वंगु युग लिसे बल जफति म्वायेत स्वया च्वंगु व हे पुलांगु संस्कार व धारणा खः । यथार्थय् इपि निम्हं देवी शक्ति आक्रान्त व अन्धभक्त नं खः ।

थःगु उपलब्धी स्वरूप मनुखं कुबिया हःगु यक्व मूल्य व मान्यताय् खवं खवं खिति नवये धुंकल । थौया मनू उकि दुने म्वायेत उकुसमुकुस दं । अकि थौया कविया कुतः जुइमाः मानव समाजयात कुण्ठित व गतिहीन याइगु फुक्क परंपरागत मू व मान्यतायात न्हंकाः न्हूगु मू व मान्यता-यात बलंकेगु । बस्तुगत युगबोधं रचनाकाल सिइकेत बः बिडि फु । तर थौया कविता जुइत ला न्हूगु मूल्य व मान्यता न्ह्यथने फयेकेमाः । थौया जुइगुया अर्थ न्ह्यागु बस्तुयात नं थौया मिखां फयांकछि यथार्थय् दुबिनाः स्वयेगु खः, दुवालेगु खः । थौया मिखा ध्रुवगु हे थौया

फुक्क बौद्धिक बिद्याया प्रभावं पिज्वःगु मंकाः चेतना खः ।

२०१७ सालया परिवर्तन कीगु देया कविताया भाव, भाषा व अभिव्यक्तिया निरिति छगू तःधंगु ऐतिहासिक घटना जूगु दु । इलं खं न्ह्यायाः प्वंके बिल । भाषां प्रतीकात्मक रूप काल । पौराणिक पात्रनं थौया स्वतुमतु स्वःगु जीवनया प्रतीक जुयाः पिब्वयेत स्वल । छुं कथं प्रतीक व छ्यलाया खुसिबाः बल । बैयत्तिक प्रतीकया छ्यला नं बलम । भावयात ठोस रूपय् पिब्वयेत स्वतसा थ्व हे युगय् थौया चित्रकलाया प्रभावय् अमूर्ततां नं थाय् कायेत स्वल ।

भावयात तिब्रगति संप्रेषण यायेगु कविताया मू गुण जूगुलि प्रतीकया छ्यला छगू भारीया रूपय् मयासें शक्ति-शाली बाहनया रूपय् याये फयेमाः । शक्तिशाली बाहनया रूपय् प्रतीक पौराणिक धाये परंपरागतया गालं नं काये मफे मखु । थुथाय् हे थौया कवि सजग जुइमाःगु दु । पौराणिक प्रतीकया छ्यलां गनं व हे पुलांगु मू व मान्यता-यात पुनरावृत्ति ला याना मच्चं ? बिचाः याये बहःगु खं खः । आधुनिक धंगु हे रूढीगत परंपरां मुक्त जुइगुया नां खः । थ्व सजगता व सचेतनताया अभावं यक्व थौया कवितय्सं चाय्कं मचाय्कं न्हूगु पिब्वयेत स्वस्वं हानं हानं रामायण व महाभारतयात न्ह्यथना च्वंगु खने दु । पौराणिक पात्रत न्ह्यथने मज्यूगु मखु ज्यू तर वया रूढी-गत नवःगु मू व मान्यताय् न्ह्यसःया चि तयेफुसा जक पाय्छि जू । शीत हानं राम बुइके माःगु मदु, कृष्ण बुइके माःगु मदु न त बुद्ध हे बुइके माःगु दु ।

(बेणोस पिदंगु भाजु बुद्ध साय्मिजुया वक्तव्यया मूल अश । बेणिया लागि थुकिया हिलेज्या वय्कःया चिनाखंया मापं भाजु काशीनाथ तमोटं याःगु खः ।)

केवल छगू ज्याभः

गाइ द मोपासां

जर्मन-प्रशियन फौजं फ्रान्स न्यंक न्हइ धुंकल । वातावरण जायेक आतङ्क ब्ययाचन । निभाः ब्यूगु व खिउँया न्हापांगु जः धरतिइ खेव दुश्मनतय्गु वटालियन रुआं शहरय् मन्ह्यं मन्ह्यं खनेदत ।

निन्हु तक शहरया म्हुतु ख्वांय् [लाता] जुइ धुंकाः स्वन्हु कुन्हु रुआंया दकलय् तःजाःगु गिजघरय् निभाः जः खल । आतङ्क तन । बजार चाल । रुआंया शहरय् मनूतय्गु किचः खनेदत ।

थुकिया निन्हु लिपा प्रशियनतसें धन-दौलत पवन । नार्मन्डीयापि महाजनतय् तव खे 'सह यापे मफुगु घाः' जुल । इमिसं भति भति ध्यवा बियाः शहर त्वःता वनेगु मंतुना कन, अले इमिगु मंतुना पूवन । गाडावान न्हागनं दन । वयागु बगगीसलया लिकसं फ्रिह प्रवासीत व दनी घकाः हे पिपाचवंगु जुयाचन । खुम्ह मिस्त व प्यम्ह मिजंत बगगीलय् चवनेव गाडावानं यात्रा न्ह्याकल । गाःपाःगु लँ, चबापुं खकाचवंगु लँ-तसकं कष्टमय । धः तुगिवं प्रवासीतसें थवं थःत म्हसिल । शहरया घनी व्यापारी स्वम्हनापं इमि कलाःपि, निम्ह नन्त वा गिजघरया पुजारी मिस्त । छम्ह नां जाःम्ह क्रान्तिकारी अले मेम्ह छम्ह मिसा खः मय्जु एलिस-शहरया नांजाःम्ह

ल्यवःसि । एलिसयात खनेव कुलीन मिस्तसें ख्वाः फस्व-कल । इमिगु म्हुतुसि जायेक घृणाया खुसिबाः वल, अले मिखाय् वस्तुणा । निम्ह नन्त जक मिखा तिसिनाः घःया नां जपय् यानाचन । मिजंतसें शायद शहरय् दकलय् नांजाःम्ह व ल्यवःसियात म्हस्यू ।

तिन्निन मजूतले ला इमि दथुइ धन-दौलत व वसः इसःया वारे खे जुयांचन । तर, थुकियां लिपा सकसियां म्ह न्यल । सुयाके छुं मद्रु, पित्याः च्याच्यां वल । अ, एलिसयाके छगः टोकरी दु । मछ्याःम्ह वं ग्याग्यां कय्कुनाः टोकरी उल । टोकरीइ निम्ह खा व द्वौचिक खेय् दु । थुकिया ल्यू प्यंगः बलोरेटा सिसि नं । ल्यवःसि हे जूसां नं एलिस छम्ह मन् । ग्याग्यां, वं मेपि प्रवासीतय् नं ज्योनां यायेत वन । तर, छम्ह ल्यवःसि नाप चवनाः नयेगु न्ह्यसः — शुरु सुनां यायेगु ? पित्याःया न्ह्याःने सुयां छुं लगय् मजुल । शुरु कोर्नडट वा नांजाःम्ह क्रान्तिकारी पाखे जुल, अले सकसियां छुं न छुं काये हे माल ।

सन्ध्या जुइ न्ह्यः हे टोटसय् थ्यन । प्रशियन अफिसरं स्वीकृति आदि स्वल । ईपि सकले छगू हे होटलय् चन । छनेत लासा मिलय् यानाचवंगु इलय् होटलया मेनेजर बल । वं घाल— मय्जु एलिसयात मेजर साहेबं लुमंकगु

दु।

—“तर छाया? जि सुनाप नापलायेगु मन मडु।”

सकल अंगः जुल। मेजरया अपायधंगु अपमान? थुकिया लिचवः छु जुइ! एलिस वनेहे माः। मेजर न्ह्या-म्हेसित सःते फु, यम्हेसित सःते फु! एलिस मवसा की सकसित छु आपद वडगु जुइ— सकसियां थवहे बिचाः।

खवखना सलं एलिसं धाल— “ज्यू, जि वने। तर छिकपिनि लागि जक।”

एलिस वन अले क्रोध अपमान व घृणां च्याःगु खवाः वनाः थर्थे लिहांवल। गाडावानं थुबलय लाक्कहे मेजरयागु आज्ञा बिना बगोसल यंके मफइगु खं कन।

प्रवासी मिजंत वनाः मेजरनाप खं ल्हात, फिपिचि प्यपुंकल, तर मेजर अनुमति-पौ बोमखु धकाः तप्यंकहे धाल। तिन्हिनं लिपा छम्ह प्रशियन सिपाहिं वयाः एलिसयाके न्यन— “मेजरयागु प्रस्ताव एलिसयात यः कि मयः?” एलिस तप्यंक मयः धयाबिल।

थनं लिपा स्थिति स्पष्ट जुल।— एलिस छम्ह नांजाःम्ह ल्यवःसि।

मेजरया वनाप चवनाः चा छयायेमास्ति वः, केवल छचा जक।

एलिम ववथाय् छवेंसेलि इमिसं समस्याया बिचाः यात। मिस्तसें धाल— “एलिस छम्ह ल्यवःसि ख हे खः। वं थःत लः ल्हाये हे माः।” अले लुईन न्ह्यासयात पाय्छिगु लिसः बिल,— “एलिसया थव कारणं मेजर मयः कि व प्रशियन खः, दुश्मन खः।”

पाय्छिगु खं। व गुलि स्वदेश-प्रेमी।

अले सकसिगुं, थन तक कि व निम्ह भिपि मिस्तय्गु नाप बचं कयाः छगू षड्यन्त्रया गवसाः गवल। इमिसं एलिसयात बहनिइहे सःतल। वया खवाः तुइसे अले निखा ह्याउँसे ह्याउँसे च्वं। खवखवं त्यानुचाःगु जुइमाः व।

कोर्जडट छहास्यां भायपो मेपि सकसियां वयात खं न्यंकेगु ली (मेजरनाप छनेगुली) धिपि यात। साधवो पुजारी मिस्तसें थये धयाः एलिसयात धर्मसंकटय् लाकल,— “धर्म, समाज व जःलाखःला अले पासापिनि लागि यधव मिस्तसें थःत वलिदान ब्यूगु दु। आपद दकलय् महत्वपूर्णगु खं खः। महत्व साध्यया जुइ, साधनया मखु। संसारय् नैतिक, अनैतिक धंगु छुं खहे मडु। साध्य भिसा साधन गुबल्लेहे दुषित जुइमखु। एलिस मेपि सुयां लागि आत्म समर्पण यातधाःसा वयात सुनानं आरोप बी फंसखु।”

एलिम अनहे च्वंचवन, बिचाः यानाचवन अले खवया हल। धौछि तक खवयां चवन। वया नुगलय् छुं अज्ञात द्वन्द जुयाचवन! कन्हेकुन्ह व मेजरया प्रस्तावय् सही तल— थःगु इच्छा विरुद्ध, दुश्मन खनाः ग्यानाः मखु, नापवःपि गुम्ह प्रवासीतय्गु भिया लागि। चच्छियंक व मेजरया छचाकःगु छाती प्यपुन। सुथ जुइ न्ह्याःहे प्रवासी-तय्थाय् वल व। वनेत स्वीकृति बी धुंकूगु। बगोसल हाकनं न्ह्यात। गुगु कठीनतम समस्या खः, व एलिसयागु भावनायात न्हुत्तुन्ह्याः ज्यने धुंकल। एलिस— छम्ह घृणाया पात्र, दुश्मनया लागि समर्पित जुयाः सकसियां न्ह्याःने पतित जुइ धुंकल। कोर्जडट गुम्हेस्या हृदयय् अफ नं एलिसयात छकः जक थःहा यायेगु लालसा क्वाःक्वाः ल्यनाचवगु दनि वं बाहेक मेपि सुनानं वयात छकः तुलुकक जक नं मस्वः। तिन्हिन धुंकाः प्रवासीतसें बजि (टिफिन) लिकांत, अले नल।

सकसियां नयाचवन, एलिसं स्वयाचवन। वयाके दुगु हे नं ला छुं मखु। अँ, छगू नुगः दु दुने दुने च्यानाचवंगु।

भाय् हिउम्ह— भूषण प्रसाद श्रेष्ठ



श्रीगु भासय् 'य' यात ब्वने (छसु)

श्रीगु भाषाय् 'य' खः छगःयात म्हसियेकेगु नं थ्व भाषाया यक्व चहः पहःयात म्हसियेकेगु जुउ । अर्थात् काचाक थ्व 'य' या ब्वने थुपे ज्या क्वचाये मफु । संस्कृतया थ्यंक थ्वया पाय्छिगु 'य' यात झीसं 'ये' यानाः न्ववाना वःगु थ्व नकतिनिया खँ मखु । उकि हे गय् न्ववाना अर्थेत्तु च्वइपिसं नारायेन, बुध्दाये, श्रीगनेसायेन्नम आदि कथं धया वयाचवंगु स्वये दु । व थ्वया 'य' या 'ये' धाःगु प्रमाण थुकथं खिबःवल । धार्थे थ्व 'य' यात 'य' हे यानाः न्ववायेगु थाय् सापहे माले थाकु । छुचुं वय, धयवा ग्य, थय् आज्ञा अर्थक छयासं छयाय् जक थज्याःगु 'य' यात 'य' हे उच्चारण जूवनाचवंगु दु । खवपय् ला थपि नं 'ये' हे पिज्वया चवंगुदु । थये य-ये खयाः नं संस्कृतय् थें दीर्घ सरह नं ज्वी मफु थ्व । अथवा थ्वया एक मात्रा हे जक दु ।

आः हानं मेगु संस्कृतया 'भय, जय' आदि स्वये । थपि य-ये-भये-जये जक मजुसे 'अय्' जू वना चवंगु दु । थये धर्मं जय् ज्वी '... नौ ज्वीया छया भय् । खला थ्व य-अय् नं मेगु च्वयेगु उच्चारण अनुरूप आखः मदयाः नं थुलि खँ झीसं चायेका वयाचवना । थ्व य-अय्या न्वचु मँ तःलय्धिनाः- भचा पिने नं पिलुइत सनाः म्हुनु उपो तप्वायेका यनेमाः थुकथं क्वज्वइ । अले थ्वयात म्हसियेके थ्व मा आखः रूपं व्यक्त जुइ । थ्व 'य अय्' या तब्याइगु 'आय्' नं दनि । झी थ्वया न्वचु च्वं क्वय् यानाः जक मखु जवं खवं नं तब्याक तप्वाके मा । थ्वकथं या न्वचु संस्कृत खंग्वलय् नायक-नायः-नाय्जु क्वःजिना चवंगु दु । थुकथं हे आः झीगु भासय् नं इयालय् सिमाय् आदि

झीसं च्वया वया च्वने धुंगु दु । थुकथं य-अय्-आय् मा आखः ज्वी धुंकुसँलि संस्कृत वर्णमाला कथंया 'ए' थ्व झीत म्वाःलेहे धुंकल । अथवा झीसं थ्व 'ए-()' च्वय् गुलिइ थथे पंगलः वइ । थ्व 'ए-' यात म्वायेकेलवय् थौं झीसं छचला च्वना कथं 'इयाल' या सप्तमीयात ऊयालय् मचवस्य 'इयाले' च्वय्जिल धाये । अय्सा 'पाखा' या सप्तमी च्वये माःसा छुचवये ? अर्थात् गय् च्वयाः छिके ? थन ऊयाल-इयालय् थें पाखा-पाखाय् हे जक पाय्छि जुल । 'अय्' या तब्याकेत थथे आय् दुसा ए () या छुं मरु उकि ए () मजिल ऊयालय् पाखाय् हे च्वय् माल । थथे हे म्हाय् काय् आदिनं ।

क्रियाय् छयासय् 'काये धाये' च्वया वःगु हने मफुनि । थुकिइनं दोष अवश्य दु । छाय् धाःसा थ्व 'ये' नं याकःचा जक न्व मवासे थ्व 'ये' या 'य' जक जुयाः 'का' व 'धा' नं सालाः काय् धाय् जुये धुंकुगु दु । हानं मेगु दसु मानिसा थ्व क्रियाया काय् नं 'काच' तुमनेगु थाय् दु । थथे थ्व गणया क्रियातय् प्रेरणार्थक जुइ बलय् थथे 'च' खने दःवःनि । थुकथं 'याय्-याचके, म्वाय्-म्वाचके, काय्-काचके' आदि । उकि म्हाच या म्हाय् न्वाचया म्वाय् जुसँलि 'च' या 'य' ज्वीगु सूत्र कथं थथे 'च' या हिलाय् वइगु 'य' नं 'य' हे क्वजित । 'ये' मजिल । काय् याय् हय् म्वाय् थथे हे बांलात ।

थुकथं वने च्वने आदि नं मजिल । अर्थात् ए () आखः हे म्वाः कथंया झीगु भाषाया स्वभाव थथे खने । थ्व 'ने' या तब्याक च्वयेगु आखः मरु । तर धायेगु दु । अले 'न्य' या च्वयेगु नं दु व धायेगु नं दु । थुकथं 'न्य'

चीव्याकः न्या तःव्याकः । श्व 'न्या' या प्रयोग पुलं न्वचुइ वन्याव् आदि दु । थुकथं 'वन्य' या 'वन्याव' छगू क्रम दसेलि वन्य चवन्य आदि हे प्रयोग्य जुल । अले 'ये' देशय् श्व नं मजिल । छाय् धाःसा श्वया नं तव्याक धायेगु खवप भाषाय् 'य' या न्वचु दु । 'य' ची व्याकः 'यां' तःव्याकः । थमित थुकथं धवा थुइके । ये () थुकथं चवये स्वाःला ब्युवल्य् आः य-अय् आय् यय् याय् आदि थुपि प्रयोग्य जूवयाच्वंगु दु, न्वचुया अनकूल कथं । अर्थात् छ्यलाय् वयाः श्व 'य' अनेक कथं ल्हाइ । य-यः या-याः अय्-आय् यय्-याय् आदि थन इइ-(ई)-उइ (वी) अले अइ-आइ आदियात नं लुमने ।

'य' या 'ये' थुकथं न्वचु ववज्वःथे (नारायनया नारा-येन आदि चवय् ववय् धुंगु ख्ये यकथं) 'या' या नं थथे धाइगु दयेमाः धकाः थन माला स्वयेगु नं ऊवःलिना खँ ज्वी । श्वया उच्चारण अनुसार थथे एक मात्रात्मक 'ये' या तव्याकाः चवयेत श्व वर्णमालाय् आखः हे नं खनेमरु 'य' या 'या' धाये थें । उकिं श्वयात म्हसिइकेत 'य' श्वः यात यय्' यातनि खने । अले श्वयात नं एक मात्राहे धकाः नि खने । आः थुकथं थुयेबल्य् श्व 'ये-यय्' या तव्यागु आखः 'याय्' न्ववाना थें चवयेत थथे ज्याछिउं सम्म वल । आः श्वया न्वचु गन दु । वालास्वये यय् श्व 'य' यात ये-यय् धाय्थें या-याय् धायेमाःगु गनं मखनानि । अथे हे खवपयनं मालाहे चवना तिन । तर गुलिनं स्थानीय भासय् थथे 'यो' यातनं 'याय्' धाःवना च्वंगु दु । 'य' यात 'ये' धाये थें अथवा 'बुद्धाय' या 'बुद्धाये' आदि धायेथें । थज्यःगु 'या' न्वचुयात 'याय्' यासे न्ववाना च्वंगु खँवः थन छुं ववये । थथे वयात-वयाय्, वयागु-वयाय्गु, वयाके-वयाय्के आदि । कीगु भासय् श्व 'या' दीर्घ मखुथें श्वयाहे हिलाय् न्ववाइगु 'याय्' नं दीर्घ मजुउ । अर्थात् वयात आदिवा 'या' गथे ह्रस्व खः अथे हे 'वयाय्' आदिया

याय् नं ह्रस्वहे खः ।

थोया नेपाल भाषाय् तुति त्वाः ल्हाये माःगु थाय् मरु । (श्व खँ खँ ल्हाइबलयात कयाः मखु चवःवये बलय् यात खः) सिधलम्, वचालम् आदि त्वःताः श्वया अपवाद श्वहे 'य' छगः दु । श्व 'य' तुति त्वाःल्हाःताः कथं चवयेमाः थथे अय्, आय्, वय्, वाय्, यय् आदि । थमित खँवल्य् थुकथं खने—

अय् चवनाः — खवपय्, यलय्, भवतय्, फय्, वय् इ.

आय् चवनाः — सांगाय्, भाषाय्, पांखाय्, धुपाय्, कपाय् इ.

वय् चवनाः— भवय्, ववय्, ववय्, चवय्, लवय् इ.

वाय् चवनाः— ग्वाय्, ख्वाय्, त्वाय्, स्वाय् इ.

यय् चवनाः— मयय्, छयय्, वयय्, सयय्, लयय् इ.

याय् चवनाः— प्याय्, ज्याय्, म्हाय्, लत्याय् इ.

गुगु नं खँवल्य् निगः बा आखः ल्हाइबल्य् अर्थात् श्व निगः बा आखःया न्हाःने च्वंगु बा आखल्य् माआखः मदइबल्य् श्व माआखः मदुगु न्हाःनेया बा आखः लिउने-या बा आखल्य् घाःवनिइ । अर्थात् 'कस्ति, वस्पति, मस्ता, सिन्ता' आदि थुकथं च्वना आखः चवःवनिइ । श्व संस्कृतयाहे 'अच् हीनो वर्ण परं धावति' धयागु धापूकथं हे खः । तर थथे खयाः नं श्व 'य' यात थुकिं चियेगुनं थौतक कीगु व्याकरणं अथवा छ्यला कथं श्वयात मानय् मयानानि । ख नं श्व बांलाः मजुउ । थथे काय्चा, कय्ता, न्हाय्पं, दय्पो आदि चवयेगु हे पाय्छि जुउ । अले तुति त्वाः मल्हासे काय्चा, कय्ता, न्हाय्पं, दय्पो आदि थथे चवयेगु हिंसि छाय् मपिउ ।

संस्कृत कथं व्यंजनया जक तुति त्वाःदलि । स्वरया ज्वी मखु । स्वरं ला तुति मदुहास्यात तुति हे जक बिइ । तर कीगु भासय् श्व 'य'-अय्-आय् थथे जुयाः स्वर नं (मा आखः नं) जूगु दु । हानं (खँवःया लिपते जक मखु

खँवःया दुने नापं) यथे तुति त्वाःल्हाय् नं माला ब्यूगु दु ।
युकथं कीगु भाषाया 'य' खः हसिइकेत याकनं थाकु,
यखः हसियेज्या याकनं खमचाः ।

श्व 'य' या हे खँय् वयाः आःहानं 'या' यातनं छकः
थिया स्वये । धार्थे श्व या छगः यानं आय् जूगु दु । श्व
धार्थे यानाः खप भासय् खनेदु यथे मफया-मफाय्,
मसया-मसाय् अथेहे वयाता-वाय्ता, वयाके-वाय्के,
वयागु-वाय्गु भादि । हानं हरि मायाचा-हरि माय्चा,
आसमायाचा-आसमाय्चा आदि । श्व धार्थे मात्र 'या'
खःया आय् जुल थुलि जक ध्वाय्थां मचाः । श्व 'या' याके
चवंगु 'आ' मा आखःखः चवय् वंगु खः । हिलासुं यानाः
शब्दया आखः चवय् ववय् न्हायेगु भाषाया प्रकृति दु ।
(गथे 'वया कथं' खँवःया हिलाय् वयाखतं नं धाये धुंकूगु
दु । थन 'कथं' या 'थ' याके चवंगु 'ह' चवय् थावंगुलि
हय् 'क' या 'ख' व 'थ' या 'त' जुल उकिं हे वया कथं—
वयाखतं जुल । 'या' धंगुहे य् + आ = या खः । अथेसा श्व
य् + आ या हे 'आ' चवय् थां वंबलय् आ + य् = आय्
थुकथं जुउ वन । अले मफया मसया... आदिया नं श्व
'या' या थथेहे आय् जुउबलय् मफ + आय् = मफाय्
मस + आय् = मसाय्.. आदि जुउ वन । थज्याःगु प्रकृति
पाल्पा पाखे ल्हाइगु नेवाः भाय् याके नं दःगु जुया चवन
आपाहे । कीह्म सुयोग्यह्म भलसा थां छह्म भाषाविद श्री
अयोध्या प्रसादजुं नेपाल भाषा पत्रिका तछला २०, १०९१
या तपं पौया नेवाः भाय्-भाषाविज्ञान-दिग्दर्शन धइगु
लेखय् श्व पाल्पा पाखेया नेवाः भाय्या स्वभाव धकाः
थथे कना तःगु दु । थय् 'या' या आय् जुयाचवगु उदाहरण
जि स्वया (जि स्वाय्) जि धया (जि धाय्) थथेहे कया-
काय्, चवया-चवाय्, कुया-क्वाय्, तया-ताय् आदि ।

श्व कीसं छयला व चवया वया चवनागु वर्ण मालाय्
'ए, ऐ, ओ, औ' त्वःताः थुरुथंया स्वर 'आय्' थज्यःगु

चवयेत आखःहे मरुसां नेपाल भाषाया न्वचुइ धाःसा
माःछिचाः थपि ('आय्' आदि मा आखः दःगुलि 'आ'
याके 'य्' चिनाः न्वचु कथं त्वः जुउ भाःपा 'आय्' मा
आखः दयेकाः व चवयेगु याना चवना । थज्याःगु न्वचु
संस्कृत आदि भासय् मरुगुलि अलय् चवयेनंम्वाःला चवन ।
व वर्णमालाय् नं दुथ्याः मवया चवन । अथे हे आः श्व
संस्कृतयाहे संतान नेपाली भासय् नं श्व स्वरयात म्वाःगु
कथं हे वयागु चवज्यां गाका चवंगु दु । जवकि थमिनं वर्ण-
मालाय् श्व 'आय्' दुथ्याये मफया चवन । थुलि मछि
चवसाहित्य च्वसे वये धुंकूगु श्व नेपाली 'भाय्' थज्याःगु
मा आखः चवयेगु पाखें अनभिज्ञ जुया चवंगुलि हे सिये
दतकि संस्कृतय् थें हे श्वया धागु-ल्हापुइनं श्व 'आय्'
मरुगु कथं हे नेपाली भाय्यात लुमका तल ।

तर आः संस्कृतयाहे वंशज नेपाली भाय् जूगुलि
श्वयाके नं थज्यःगु 'आय्' दःवय् मफया चवन धकाः
थुलिमंतुं लुदना मवछःसं श्वयाके नं थथे छकः दुवाले ।
थथे थन बांलाक दुवालाः स्वयेबलय् नेपाल भाषा लिक्क
लाये धुंकूगु श्व नेपालीयाके नं थौंया खँल्हा बल्हाय् श्व
'आय्' आदि या न्वचु पिज्वज्वं वया चवंगु दु । थथे 'के
भएको' या 'के भाय्को' धकाः नेपाली भाय् न्वचुं पिज्वये
धुंकूगु दु । श्व के भाय्कोया भाय् याके चवंगु मा आखः
आः कीसं 'आय्' यात याउंके म्हसियेके फत । नेपाल
भाषाय् वयात या वाय्ता थें 'या' या 'आय्' जूसा थन
'के भएको?' या 'ए' या 'अय्-आय्' जूगु कथं मतिचा
पाक स्वये दु । तर श्व नं न्हापा के भयाको खः धकाः
लुमंका स्वयेबलय् थपि नं 'या' या हे 'आय्' जूगु कथं
लुमने अःगु जुउ । थपि नं आः के भाकोतक नं जुये धुंकूगु
दु । नेपाल भाषाय् वयात-वाय्ता-वाता, श्वयात-श्वा-
य्ता-श्वाता, सुयात-स्वाय्ता-स्वाता थें केभएको (के
भयाको) के भाय्को-के भाको आदि जुया चवंगु थमिगु

ऊर्खं हानं नं ऊवःलिक यथे लुया वइ ।

ए (या)	आय्	आ
खाएको (खायाको)	खाय्को	खाको
भएको (भयाको)	भाय्को	भाको
लाएको (लायाको)	लाय्को	लाको
- ए (- या)	- याय्	-
वसेको (वस्याको)	वस्याय् (कसरी वस्याय्)	
के गरेको (ग-याको)	ग-याय् के ग-याय्)	
लेखेको (लेख्याको)	लेख्याय् (के लेख्याय्)	

युक्तं आः नेपाल भाषा यात थेंहे नेपाली यातनं थव
'आय्-याय्' आदि मा आखः अवश्य माले धुंकल ।
जवकि नेपालीइ लहा भासय् माःछिचा थव न्वचु व्वल्लं
वया चवन ।

कीगु भासय् 'य' यात ह्यसीकः वयेबलय् थव 'य' या
इ जुउ वनिडगु नं व्वने व थुये माःगु दु । थथे 'बिये' क्रिया
लुमंके बलय् ल्याखं वं धाइ, जि धाये कथं वं बिइ, जि
बिये, थथे जुयेमाःगु खः । तर यें भासय् थव भाय्या
स्वभाव कथं थव 'बिये' या 'ये' 'इ' जुउवने धुंकल । उकि
वं बिइ जक मखु जि बिये धायेमाः थाय् नं जि बिइ जुये
धुंकूगु दु । अथ्यहे वं लं सुइ, जि लं सुये जुइ माःथाय् नं
वं लं सुइ थेंहे जि लं सुइ जुया वना चवने धुंकूगु दु ।
थवनं यं भासय् । अनलि धाये, काये या 'य' 'धा' व 'का'
नं साला काइ बलय् थव 'य' या न्वचु माःछि कय्कुने
धुंकूगुलि धाये काये चवःसां पाय्छि जूसा थन 'बिये' व
'सुये' आदि क्रिया या 'ये' थवया ल्होनेया 'बि' व 'सु'
ग्वलं साला काये मकुगुलि थव 'य' यात तुति त्वाः मलहायेगु
बांलाः खने दु । थथे बिये व सुये थुजाःगु 'इ' व 'उ'
यालिउने वइगु 'य' गन या क्रियाया स्वभाव व्याकस्यां
थथेहे खः । थव 'बिइ' व 'सुइ' नं प्ययुंक छज्वा यानाः
धाः वनिइ बलय् 'बी, ज्वी' थयंक नं धाः वने धुंकूगु दु ।

येंय् वं ध्यबाबिइ, वं लं सुइ थें जि ध्यबा बिइ,
जि लं सुइ जूसा खवपय् थव 'य' या 'इ' मजुसे
थपि 'बि' व 'य' अलय् 'सु' व 'य' ल्हनाः 'व्यय् स्वय्'
जुयाः जि व्यय् जि स्वय् थथे जुया चवंगु दु । धाये बलय्
खवपय् निय व न्यय या रुप सुये व स्वये या रुप वंतुं
जुयाः जि कंघासा न्यय् व जि गां न्यय् (खवपय् न्यय या
उन्य हे आपा चलती) अथेहे जि नं स्वये, जि मिखां स्वये,
जि नं पयये (येंय् फिये-फिइ), जि कस्ति पयये, जि कुसां
ववये (कुये) ला हाकुक ववये, जि कापः खवये (खुये) मचा
ह्याय् ह्याय् खवये' थथे जुयाः इय व वय, अले उय व वय या
छगू तुं रुप जुउ वना चवंगु दु खवपय् ।

'या' या 'आय' जूगु स्वये दुगु खं (वघाता या वाय्ता
कथं) चवय् व्वने धुन । आः नकतिनि 'य' या 'इ' जुउगु
व्वनाथें थव 'या' ग्वःया नं 'इ' जुउ वने फुगु थाय् दु ।
तर थव 'या' या 'य' नि जुइ । थव पहः यें भासय् खः ।
थथे वघात-वयत-वइत, थवघात-थवयत-थवइत, इत्यादि ।
जियात या जितः, जियाके या जिके आदि दसु स्वयाः थव
भाय् याके 'या' ग्वः फुना वनेफुगु प्रकृति खने दुसा मेकथं
महथाय् 'या' ग्वः दुहां वइगु नं थाय् दु । थथे बिहा या
'ह' तना बि + आ = व्यःऽ (हानं थवया व्याहा नं रुप दु)
जुउथें पिहां-पिआं-प्यांऽ, लिहां-लिआं-ल्यांऽ (थमि नं
प्याहां ल्याहां दनि) अथे हे खिपतं चिडा कथं (खवप भाय्)
या 'डा' या इ तनाः चिडा-चिआं-च्यां, पिडा-पिआं-
प्यांः आदि स्वयाः थथे 'या' दःबःगु नं स्वये दत ।

कने-कना, खने-खना, गने-गना आदि थपि ह्यसियेके
अःपुगु खं जुल । अथेहे काये-काया, सिये-सिया, जुये-जुया
आदि नं उलि हे ह्यसियेके छिन । छाय् धाःसा कने या
'ने' लुमंकाः हे कनाया 'ना' छगू हे गनय् खने द वःसा
काय या 'य' कथं हे 'काय' या 'या' वहे किसिमं धवा थुये ।
तर थव 'य' गनया अर्थात् वाय सिय आदि गनया क्रिया

याके च्वंगु थ्व 'य' थ्वया रूपावलिस दयेमाःगु थाःसय् नं
थौ मदया वना च्वन । थये 'काय' खया नं ध्यवा कया
घाये थाय् त्वःताः खतं काना घासे थ्व 'य' या हिला 'ना'
जुउवन 'कने'या 'कना' सरह । थुलि जक मखु ध्यवा कया
या ध्यवा काना, ल'सा लायाया लासा लाना लं खाया
या लं खाना, न्यतल्य् दायाया न्यतले दाना आदि नं धाधां
वया च्वंगु डु । अथे हे प्रेरणार्थक क्रियाय् स्वये ध्यवा
कायेके खं (सियेके)–सिइके, ज्या (जुयेके)–जुइके आदि
जुउसा थन थाय्या 'य' नं खतं काके घातय् यंकाः मनू
सिके, भुतिमालि कःसिइ जुके आदि घाःबलय् थननं 'य'

ग्वः तना वने धुंकल । छुं सूत्र कथं 'य' ग्वः तनी व
मतनीयात म्हसियेसा भूतकालय् 'ल' वइयाय् 'य' तने
म्वाः थये काये–ध्यवा काल –ध्यवा काया, ध्यवा कायेके,
खाये–लं खाल –लं खाया–लं खायेके, दाये–न्यतलय् दाल,
न्यतलय् दाया, न्यतलय् दायेके । भूत कालय् 'त' वइ-
थाय् 'य' च्वनिइ मखु थये काये–खतं कात,–खतं काना –
खतं कायेके, जुये–बखुं जुत–बखुं जुना–बखुं जुके, सिय-
मनू सित–मनू सिना–मनू सिके इत्यादि । थुकथं यग्वः
यात कीसं नःखत म्हसिइका वया च्वना ।



थःगु हे देशय् थाःगु जरी दुगु दोपत्तापसिया निंति

जिमित लुमंका दिसँ

छिकपिसं धाःथें च्वंक मन लुदक तिनखाः, सिसिमा, ड्रेस कापः बोर्डर नं

जिमिसं थाना बी फु

नेपाल सिल्क गार्मेन्ट इण्डस्ट्रिज

जमलटोल, (विश्वज्योति हल नापं)

कान्तिपुर

फोन नं० ११२९० व १४३२७

जर्मनीया क्वलों विश्वविद्यालय नेपाल भाषाय् पिएच्. डि.



मय्जु उलरिके क्वयल्भर

डा. उलरिके क्वयल्भरया जन्म १२ मार्च १९४६ स जर्मनी जूगु खः । वय्कलं सेकण्डरी स्कूल लिभिग सर्टिफिकेटया जांच सन् १९६५ स पास यानादिल । अनलि वय्कलं १९६५ निसें जर्मनीया नांजाःगु विश्वविद्यालय कोलों व मार्बर्ग विश्वविद्यालय जर्मन भाषा, संस्कृत भाषा, धर्मशास्त्र व भाषा विज्ञान विषयय् उच्च अध्ययन यानादिल । सन् १९७१ पाखे वय्कः नेपाः क्वायाः नेपाल भाषाया विशेष अध्ययन याना दिल । श्वहे अध्ययनया लिचवः कथं दछि लिपा जर्मनी क्वायाः कोलों विश्वविद्यालयया रिसर्च स्कलर कथं “नेपाल भाषाया वाक्य विन्यास” विषयय् काजों विश्वविद्यालयया प्रोफेसर हायन्स जाकोब सिलरया निर्देशनय् थेसिस चवया दिल व सन् १९७४ या शरद ऋतुइ वय्कलं पिएच्. डी. या निति व थेसिस पेश यानादिल । वय्कःया उा जर्मन भासं चवया दीगु थेसिस Din A. 4 सऽइजया श्वेतप् टाइप आखलं फुकं यानाः २७० पौ दु । थुगु दँय् वय्कःया व थेसिसयात स्विकृति ब्युसे कोलों विश्व विद्यालयं वय्कःयात पिएच्. डी. उपाधि बिउगु खः ।

क्वस्यालि डाक्टर उलरिकेयात

दुर्गालाल श्रेष्ठ

मय्जु उलरिके, अय् जर्मनिया

चक्कंगु नुगःया पौभाः !

थौं थ्व व्यवस्थां पितिना तःगु

अय् जिमि भाय्या गर्व निभाः !

चान्हय् गनं गनं थ्व वःगु

अय् ब्यांचुलिया सकरुण सः !

स्वर्गं सीपि थन्यत क्वज्वःगु

अय् अमृतया फुति फुति लः !

तीजक ताजक स्वयाः स्वयाः वा

पलाः पति स्वां पुयाः पुयाः ;

कप्ति नुगः दुन्य भुखाय् मव्वय्मा

छंगु पलाःया सलं धवयाः !

इना ब्यु न्हें बरु थःछ्यं वनाः छं

जिमिगु क्वस्यालि थ्व हे भाःपाः—

‘परदेशं गुलि सत्ती नेपाः

नेपालं उलि हे तापाः !’

धें ब्यु थ्व नं “तर नेपाः मदुसां

नेपालय् नेपाःमि दनि !

न्हूगु व नेपाः चव्यगु चवसा हे

इमिगु नुगःया उर्सिमसि !”

नेपाल भाषा विज्ञान विषयय् जर्मनीया नांजाःगु कोलोन विश्वविद्यालयं जर्मनीया मय्जु उलरिके क्वयल्भरं हालय् नेपाल भाषा विज्ञान विषयय् पिएच्. डी. उपाधि हासिल याना दिल । नेपाल भाषा विषयय् पिएच्. डी. याना दीम्ह वय्ल् न्हापांम्ह विदेशी खः ।

वय्कः मय्जु उलरिके क्वयल्भर नेपाल भाषा विज्ञान विषययो पिएच्. डी. उपाधि हासिलयाना दी धुंकाः छुं ईया निंति नेपाः काल । वय्कः नेपाः काःगु खँ सीव वय्कःयात नापलायेत व हनेत सकलें हथाय् चाल । न्हापां वंगु १७ चित्ला खुन्हु “की” पत्रिकाया ग्वसालय् छगू लसकुल समारोह जुल । भाजु ठाकुरलाल मानन्धरया क्यवय् जूगु उगु झकःधाःगु समारोहय् नेपाल भाषाया नांजाःपि साहित्यकारत व नेपालया भाषा, साहित्य, संस्कृति, इतिहास आदि विषयय् अध्ययन यायेत यन काया चवना दीपि विदेशी विद्वानत मुना दिल । सकस्यां ख्वाः चक्कं, सकस्यां नुगः लय्ताः । “झी” परिवारया पाखें मय्जु मोतिलक्ष्मी उपासिकापाखें डा. उलरिकेयात स्वांमाः क्वखाकेवं वय्कलं थःगु नुगः खँ थुकथं नेपाल भाषां हे न्ववानाः प्वंका दिल—

“श्व स्वागत समारोहय् आमन्त्रित जुइ दुगु छगू तधंगु हे मान खः तर श्व उल्लिखितः मय्जु थें च्वं छाया-धाःसां जि उलि छुं याये मकुनि । जि जिकपिनिगु तसकं हे बांलाःगु भासय् बिचाः याना अले च्वया । जिमिगु विश्वविद्यालयनं थुक्रियात थिसस मानय् यात छाया-धाःसां नेपाः भाषा नं इन्जिनियरिंग व संस्कृत थें हे मन्तय्गु परंपरां निसें वयाचवंगु छगू अंग खः । अय् जूगुलि नेपाः भाय् व नेपाः संस्कृति नं वैज्ञानिक अनुसन्धान यायेगु स्वाभाविक विषय खः । उकिं छिकपिनिसं कयना दीगु श्रद्धां जितः भचा लज्या वयाचवन । जिमि मानेयाये माःम्ह पासा श्री ठाकुर लाल मानन्धरजुं ग्वाहालि व समालोचना

मय्जुसा जि श्व ज्या याये थाकुइगु । नापं यन मुनाचवना दीपि आपाः हे विद्वांपि दु । त्रिभुवन विश्वविद्यालयया विद्वां श्री अष्टिन हेलयागु सहयोग मदुगुसा जि श्व थिसस गबलें सिधयेके मफइगु । डा. हेलजुं नेपाः भाय् खनाः आपाः हे बिचाः यानाः संसाय् रयूगु सफू चिन । वय्कः जिम्ह गुरु दुगुलि जि लय्ताः । कोलोनया विश्वविद्यालयय् भाषा विज्ञांया प्रोफेसरया नां छकः छिकपिन्त धाये माः । प्रो. जाय्दाजुयागु सत्हा न्यना कयाः श्व थिसस विश्वविद्यालयनं मानय् यात । वय्कलं डा. हेलजुयागु किताव ब्वनाः नेपाः भाषा नं भाषा विज्ञानया थाय् बिया दिल । जि आः हाकन श्व दे वयाचवना छिकपिनिगु भाय् खँ ल्हाये सयेकेत । जि आः तक खँ ल्हाये मसः नि (न्हिलादी) । थौं श्व खँत नेपाः पासा श्री बलराम चित्रकारजुयागु ग्वाहालि कयाः च्वइगु खः । जि छिकपिनिगु दया व यइपुसेचवंगु खँत दुने नुगलं स्वीकार याना । गुरुपि व ग्वाहालि याःपिनिपाखें स्वीकार याना । वय्कःपिनिपाखें छिकपिन्त धन्यवाद बी ।”

उगु समारोहय् मुना दीपि नेपाल भाषाया साहित्य-कारपिनिपाखें न्ववाना दिसे प्रो. माणिक लाल श्रेष्ठजुं नेपाल भाषा एशियाया छगू तसकं पुलांगु व विश्वयाया हे छगू पुलांगु भाय् खः धया दिल । वेकलं विश्वय् तःगू पुलांगु क्लासिकल भाय् दुसां नेपाल भाषा आः तक यक्व मनुखं नुवानाचवंगु पुलांगु व तसकं च्वह्याःगु भाय् खः धया दिल । वेकलं श्व भाय्या अध्ययनय् नेपालय् हे औपचारिक प्रोत्साहन मदया वगु इलय् विदेशी विद्वानतसैं श्व भाषाय् रुचि तयाः अध्ययन यानाचवंगु तसकं लुदने बह जू, व विशेष यानाः मय्जु उलरिके क्वयल्भरजुं श्व भाषाय् पिएच्. डी. थय्क याना दीगुलि नेपाल भाषा भाषीतय्त तःधंगु प्रोत्साहन जूगु दु धया दिल ।

श्वयां लिपा ‘झी’ पत्रिकाया संरक्षक कविकेशरी

चित्तधर हृदयजुं मयजु ववयल्भरयात नेपाल भाषाया छुं सफू द्रहलपा दिसे धया दिल- “उलिमछि तापाकं निसे वया: नेपाल भाषाया अध्ययन याना: भाषा विज्ञान थें थाकुगु विषयय् वेकलं पिएच्. डी. थ्यंक याना दीगु जिमिगु निति तसकं लय्ताया विषय ख: । न्हापा न्हापा हडसन, कर्कपाट्रिक व प्रो. तुचि पिस नेपालया, संस्कृति साहित्य विषय यक्व यक्व सफू च्वया वंगु दु धडगु न्यनागु ख: आ: डा. हेल, श्रीमती हेल व मेमेपि नं विद्वानपि थनहे ज्ञाया: नेपाल भाषाया विशेष अध्ययन याना च्वना दीगु तसकं हे लय्ताया खँ ख: । अज वय्क: मयजु ववयल्भरयात थौं वेक:या हे विषय भाषा व भाषा विज्ञानया सफू द्रहलपे दया: जि तसकं लय्ता: । वेक:या ब्वनेगु इच्छा जुल धा:सा नेपाल भाषाया महाकाव्य, काव्य व मेमेगु साहित्यया सफू नं वेक:यात द्रहलपे मास्ति व: ।”

थुनिया लिसलय् हानं अंग्रेजी भासं नुवाना दिसे डा. ववयल्भरजुं धयादिल- “छिकपिनिगु तसकं बांला:गु खँया निति जि छिकपिन्त यक्व धन्यवाद बो मास्ति व: । छि नकतिनि धया दीथें जिपि हडसन व कर्कपाट्रिक थें त:र्धपि विद्वान मखु । तर निश्चय नं जिमि छिकपिनिगु भाय् व संस्कृती रुचि दु । नेपालया विषयय् आ: यक्व मनूतसैं अध्ययन याये धुंकूगुलि थुकी यक्व मनूतय् रुचि दया वइ व छिकपिनिगु पुलांगु संस्कृति व समाज विषयय् संसारभरयापिसं अन्व: रुचि कया वनी धडगु जि आशा याना । नापं छिकपिनिगु नेवा: संस्कृति नं पूर्व व पश्चिम न्हाथासं प्रचार जुइ । नेपाल भाषा विषयया सफू बिया दीगुली नं छिकपिन्त यक्व धन्यवाद दु । छिकपिनिगु संस्कृति व साहित्यया फक्व अन्व: अध्ययन यायेगु नं जि तसकं रुचि दु । अथेहे छिकपिनिगु महाकाव्य, काव्य व मेमेगु साहित्य ब्वनेगु नं जि तसकं रुचि दु । उकि छिकपिनिगु पुलांगु व न्हगु साहित्य व संस्कृति विषयय् सयेके

सोकेगु अवसर बिया दीगुली “क्री” परिवार प्रति जि तसकं कृतज्ञ जुया ।

कवि केशरी चित्तधर ‘हृदय’ जुं हानं दना: धया दिल- “वेकलं नकतिनि गुगु जिपि हडसन व कर्कपाट्रिक थें त:र्धपि विद्वान मखु धया दिल वला वेकलं शिष्टताया निति जक धया दीगु ख: । वेकलं याना दीगु ज्या जिमि नेपा:या नितें तसकं त:र्ध । थुनिया समाचार पत्रपत्रिकाय् पिहां वयेवं सकन नेपा:मि लय्ताइ ।”

दकय् लिपा “क्री” पत्रिकाया सहायक सम्पादक भाजु विष्णु चित्रकारं “क्री” पत्रिका व छुं सफू डा. ववयल्भरयात द्रहलपा दिल ।

डा. उलरिके ववयल्भरयात

“भाषा जवा:” या उपाधि

थ्वहे वंगु चउला १ खुनु छगू त:जिगु समारोहया दथुइ च्वसापासां डा. उलरिके ववयल्भरयात नेपाल भाषाया अध्ययनय् वेकलं याना दीगु विशेष योगदानया निति ‘भाषा जवा:’ या उपाधि बिल ।

उगु समारोहय् दकलय् न्हापां च्वसापासाया पाखें मयजु मनदेवी तण्डुकारं डा. ववयल्भरयात स्वांमा: ववखायैका दिल ।

लसकुस वचु बिया दिसे च्वसापासाया छ्याजे भाजु राजा शाक्यं छहा विदेशी जुया: नं नेपालय् वया: नेपाल भाषाया अध्ययन याना: वेकलं पिएच्. डी. थ्यंक याना दीगु तसकं लय्ताये मा:गु खँ ख:, वेक:या थुगुज्यां क्रीत तसकं तधगु प्रेरणा ब्यूगु दु धया दिल ।

“भाषा जवा:” उपाधि ल:ल्हाना दिसे च्वसापासाया संस्थापक भाजु प्रेम बहादुर कंसकारं छहा विदेशी क्रीगु भाषाय् पिएच्. डी. डीग्री का:गु तसकं महत्त्वया खँ ख: । पीदें ति न्हापा छम्ह नेपाली नं नेपाल भाषा विषयय् पिएच. डी. याना दीगु नं न्हो महत्त्वया खँ मखु अथेसां

छम्ह विदेशीं थ्व भाषाया अध्ययन याना: पिएच. डी. डीपी का:गु तसकं महत्वपूर्ण जू। थौं थुकथं छम्ह विदेशी विद्वानयात 'भाषा जवा:' या उपाधि बिया: हने दुगु चवसा-पासाया इतिहासय् छगू तधंगु घटना ख: धया दिल्। वेकलं देनमार्कया हार्न्स जोगिन्सन, स्वीडेनया लोनहार्ड व मेमेपिसं नेपाल भाषाया सफू चवया: गुगु योगदान बिया दीगु ख: मय्जु ववय्ल्भरया योगदान नं तसकं महत्वपूर्ण जू धया दिल्।

थुकिया लिसलय् नेपाल भाषां हे नुवाना दिसे डा. ववय्ल्भर धया दिल्- 'वंगु हप्ताय् व थौंया स्वागत समागमय् छिकपिनिगु वृद्धिजीवी समाजय् यक्वहे कवितय्त लेखकतय्त नापलाये दुगुलिं जि लय्ताया। आपा: हे नव युवकतय्सं नेपा: भाषां नं कविता चिना: दीगु उकिं नेवातय् परंपरा न्हाबलें न्हाना हे वना चवनी। नेवा: तय्गु पुलांगु संस्कृति छिकपिनिगु दे व संसारय् छगू बांला:गु हे थाय् दु। नेपालयागु इतिहासयागु खं नेपाल भाषाय् विशेष याना: चवइगु ख:। अथे जूगुलिं कीसं नेपाल भाषा पाखें नेपा:यागु इतिहास धर्म व रितिथिति थुइके फु। धार्थे हे धायेमाल धा:मा थौंकहे निं थ्व नेवा:तय्गु पुलांगु संस्कृति न्हाथाय् नं खनेदु। अय् जूगुलिं आ:यागु भाषा व पुलांगु नेपाल भाषा वैज्ञानिक अनुसन्धान यायेगु छगू न्हाइपुगु विषय ख:। अय् जूगुलिं विद्वानत गय्कि हडसन, कन्राडोपिसं नेपाल भाषायागु व्याकरण व साहित्य थुइकेत यक्व ज्या याना दिल्। आपा: हे न्हापा फस्ट सिम्हला देसं (?) विद्वानतय्सं नेपाल भाषा विज्ञानया ज्या याना दिल्। निस: दै ति न्हापां जेवी फादर नेपालय् चवनाचवंपि इमिसं नेपाल भाषा इटालियन शब्द कोष चवया दिल्। उकियागु छगू कपि रोमय् भाटिकन लाइ-ब्रेरी दनि। थ्व किताव नेपाल भाषा योपिसं सीके मा:। उकिं बिब्लियोतिका हिमालयय् रिप्रिन्ट यायेगु बिचा:

या:गु दु। थौंकहे नं त्रिभुवन विश्वविद्यालयया विद्वां श्री डा. हेलजुं व श्री ठाकुरलाल मानन्धरजुं नेपाल भाषा अंग्रेजी शब्द कोष याकनं हे सिधयेका बी। अन्तय् छिकपिन्त छगू खं धाये प्रस्ति व:। न्हापायापिसं याना दीगु ज्या अय् जुयाचवंगुयात जि यानागु ज्या स्वधा: बांला:। उकिं छिकपिनिगु त:धंगु थ्व प्रबन्ध जित: त:धंगु हे मान ख:। तर अय्चवंक मिलय् जू जित: थें मचवं छाय् धा:सां थन जि स्वधा: आपा:हे स:पि विद्वांपि दु। नेपाल भाषा (ज्या) याना बलय् नं आपा:हे पासापिसं जित: ग्वाहालि बिया दिल्। विशेष याना: श्री डा. हेलजुं, श्री ठाकुरलाल मानन्धरजुं व श्री बलराम चित्रकारजुं सहयोग सल्लाह ग्वाहालि याना दिल्। वेक:पि फुकसित दुनुगलं धन्यवाद बी। जि हाकनं नेपालय् नेपाल भाषा खं ल्हाये सयेकेत वया चवना। जि आ: तक खं ल्हाये मस:नि। थौं थ्व खं श्री बलराम चित्रकारयागु ग्वाहालि चवइगु ख:। जि छिकपिं फुकसितं चवसापासा व नेपाल भाषाय् ज्या याना दीपिन्त व ग्वाहालि याना बिया दीपिन्त दुनुगलं निसं धन्यवाद बी।'

थज्यां लिपा हानं अंग्रेजीं नुवाना दिसे वेकलं धया दिल्- 'छिकपिसं थ्व भाषाय् थ:गु फक्व योगदान बीत कुत: याना चवंगु जि खन। न्हापा नं जि थन वया बलय् नेपाल भाषाया यक्व कवि लेखकपिनि नां न्यनागु ख:। अले तत:धंपि कविपिनिगु नां नं न्यना अथेसां उबलय् बांलाक महसूस याये मफु थ्व भाषाया साहित्य गुलि विकास जुया चवन धका:। तर आ: नं बांलाक ब्वने मखं- निसां छिकपिं लिसे नाप लाना: खं ल्हाना: जि चाल थ्व भाषा तसकं बांला: तसकं समृद्ध अले थ्व भाषाया साहित्य न्हाज्यानावं वनाचवंगु दु। थुकी गुलि समृद्ध साहित्य दु धइगु नं जि चाल। थ्व खना: जि बांलाक हे विश्वस्त जू थ्व भाषाया साहित्य प्रवाह बी मखु लिपा लिपा तक नं

लिपाया पुस्ता तकं थ्व न्हाज्याज्यां वनी ।”

थ्व धुंकाः उगु समारोहय् नेपाल भाषाया कवि लेखक व कलाकारपिसं थःथःगु कविता, बाखं, म्ये व प्याखं न्हाब्वया दिल् । दुर्गालाल, कृष्ण सुन्दर मल्ल, मनदेवी तण्डुकार व भूषण प्रसाद श्रेष्ठपिसं थःथःगु कविता व बाखं ब्वना दिल् । भाजु दुर्गालालया कवितां फुकसित प्रभावित याःगु खः ।

थ्व धुंकाः भाजुपि भृगुराम श्रेष्ठ, प्रेमध्वज व मयजुपि साधना जोशी व उज्ज्वल मानन्धरं म्ये न्यंका दिल् व मयजुपि साधना जोशी व शारदा जोशीं धिमे प्याखं व चच्चा प्याखं हुलाः कयना दिल् ।

थुकि प्रभावित जुयाः मयजु कवयलभरं हानं धया दिल्—

“छिकपिनिगु इतिहासय् तसकं च्वन्हाःगु सांस्कृतिक गुण दु । व थौं थुकथं पाहां जुयाः स्वये दुगुलिं जि तसकं हे लय्ताया । थुलि बांलाःगु म्ये प्याखं जि न्हापा गुबलें हे स्वहे मनंनि । थुकि जिमित तसकं प्रभावित यात । थुलि मछि दुख सियाः छिकपिनिगु तसकं बांलाःगु संस्कृति कलाया छुं नमूना स्वयेगु अवसर बिया दीगुली छिकपिन्त यक्व यक्व धन्यवाद बी ।”

सभापतिया थसं नुवाना दिसे च्वसापासाया न्हापा-याह्य अध्यक्ष भाजु सत्यमोहम जोशीं विदेशया विद्वान्तसैं नेपाल भाषाया अध्ययन व अनुसन्धान यांना वयाच्वंगु तसकं लय्ताय् माःगु खँ खः व विशेष यांनाः थौं मयजु डलरिके कवयलभरजुं नेपाल भाषा विज्ञान विषयय् तसकं नांजाःगु कोलोन विश्व विद्यालयं पिएच. डी. यांना दीगु तसकं लुदनेवहःजू धया दिल् । वेकलं नेपाल भाषा अध्ययन यायेत वडिपि विदेशी विद्वान्तय् निति माःगु सामग्री ताःलाका बीगु कीगु कुतः जुइ माः व कीसं नं थ्व भाषाया उच्च अध्ययन व अनुसन्धानया ज्या याये

माःगु दु धया दिसे त्रिभुवन विश्वविद्यालयय् नं याकनं हे स्नातकोत्तर स्तरय् नेपाल भाषाया अध्ययन याये दइगु व्यवस्था जुइगु आशा यांना धया दिल् ।

थ्व धुंकाः हानं छकः नुवाना दिसे डा. कवयलभरं धया दिल्— “जि स्वयेबलय् छिकपिसं जितः यक्व अप्वः सम्मान यांना दिल् । जिपि छिकपिनि देशय् विदेशी पाहां जुयाः वयाच्वना । छिकपिनिगु भाय् तसकं बांलाः तसकं च्वन्हाः । थ्व भाय् अध्ययन यायेगु छगू तसकं न्हाइपुगु विषय खः । नापं थ्व भाय् जिमित तसकं थाकु उकि थुकिया बांलाक अध्ययन यायेत जिमित यक्व ई काइ तिनि ।

मेगु खँ थौंकन्हे छिकपिं नेपाल भाषाभाषीतय् थःगु भाषा थकायेत यक्व समस्या वयाच्वंगु व विशेष यांनाः नेपाल भाषां शिक्षा कायेगु खँय् थाकुरा च्वंगु जि थुल । जि स्वये छिकपिनिगु थुगु थाकुरा स्थितिइ जिपि विदेशी पासापि जुयाः जिमितसं यांनां जीगु छुं दुसा छिकपिन्त फक्व न्हालि यायेत जिपि न्हायाबलें तयार दु । जिमितसं थ्व ज्या लय्तां याये । स्नातकोत्तर स्तरय् नेपाल भाषाया अध्ययन यायेगु खँय् नं छिकपिनिगु व जिमिगु नं मंकाः कुतलं व ज्या याकनं हे जुइ धकाः जि भाशा यांना । थ्व छगू लिपा तक्रिया निति समस्या खः धकाः जि भाःपा ।

च्वसापासाया रजत जयन्तिथा उपलक्ष्य च्वसापासा-यात जि दुनुगलं निसैं भिन्तुना बी । थुलिमछि दँ न्हावं निसैं छिकपिं साहित्यकारपिं थ्व भाषाया साहित्य थकायेगु ज्याय् सक्रिय जुयाः मदिकक ज्या यांना वयाच्वंगु व थुलिमछि ल्याय्हा कविपिसं छिकपिनिगु भासय् थपाय्सकं बांबांलाःगु कविता च्वया च्वंगु खनाः जि तसकं लय्ताः । छिकपिनिगु तसकं बांलाःगु कविता आदि विषयय् अज यक्व अप्वः खँ सीके सयेके दइ धकाः जिमितसं आशा यांना । च्वसापासां भविष्यय् यक्व प्रगति याये फइ व

शुक्रिया सदस्य संख्या अप्ठः जुजुं बनी धकाः नं जि आशा याना । नापं जि श्व नं आशा याना नेपाल भाषा छगू तसकं महत्त्वपूर्ण भाय् खः धइगु खं सकसिन चायेकी तिति, कलेज व विश्वविद्यालयय् श्व भाषाया अध्ययन याये दयेव नेवाः विद्वानत व विदेशीतयत नं छगू धात्थें तधंगु खं जुइ तिति व श्व देशय् मेमेगु विषय थें नेपाल भाषा नं छगू अध्ययन याये माःगु महत्त्वपूर्ण विषय खः धइगु खं सम्बन्धित जगतं चायेकी तिति ।”

उगु समारोहया दकय् लिपा नेपाल भाषाया विशेष अध्ययन याना च्वना दीहा समर इन्स्टिच्यूट अफ लिङ्ग्विस्टिक्स या भाषा विशेषज्ञ भाजु डा. अष्टिन हेलजुं छत्वाःचा नुवाना दिसे धया दिल— “थौंया थुगु न्ह्याइपुगु समारोहय् ब्वति काये दयाः लय्ताः । जि नं छुं इलं निसैं नेपाल भाषाया अध्ययनय् रुचि कया च्वनागु खः । श्वहे इवल्य् थम्हं नं डा. कवयल्भरया अमुसन्धानात्मक कृति स्वये दुगु तसकं लय्ताःया खं खः । तःदें तक छिकपि नापं च्वनाः ज्या यायेगु तसकं तधंगु अवसर दत । थुकथं बिचाःया कालबिल याये दुगु छगू तसकं हे न्ह्याइपुगु खं खः ।

डा. कवयल्भरयात थौं थुकथं हनेगु ज्या जूगु तसकं हे बांलाःगु खं खः । वेकलं याना दीगु ज्याया निति श्व सम्मान धात्थें नं स्वःजू । पश्चिमी जगतय् नेपाल भाषा विषयय् थुकथंया सफू आः तक पिदंगु मडुनि । डा. कवयल्भरजुया थुगु ज्या आधुनिक भाषा विज्ञानया क्षेत्रय् तसकं महत्त्वपूर्ण जू । वय्कलं थःगु थेसिसय् गुगु खं न्ह्यना दिल व डा. गोरगेसनया सफुती नं दुमथ्याः । डा. वाकेया क्षेत्र ला मेगु हे जुल । नेपाल भाषाया भाषा विज्ञानया क्षेत्रय् श्व छगू तसकं तधंगु घटना खः । श्व ज्याय् थः नं छुं कथं संलग्न जुइ दुगु निति तधंगु सुअवसर खः । श्व अवसरय् जि छिकपिन्त भिन्तुना देखाये । जि आशा याना याकनं हे नेवाः विद्वानपिसं नं श्व भाषाया उच्च अध्ययनय् महत्त्वपूर्ण योगदान बी फइ । श्व ज्याय् थन नेपालय् च्वनाः नेपाल भाषाया अध्ययनय् थम्हं छुं योगदान बी दइगु आशा याना ।”

नेपाल भाषाया नांजाःपि साहित्यकारत, विदेशी पाहांपि व प्रतिष्ठित व्यक्तियि मुंगु उगु समारोह नेपाल भाषाया इतिहासय् गुबलें स्वःमनी मखु ।



विदेशं हये माःगु सचिकं च्याके स्वयाः थःथाय् हे दुसु
सिं दुइगु बांलाः
सकिं

अगः उइत, सालय् तू सिइत न्हि न्हि जा थुइत व मेमेगु भुतूज्यायात माःसा
गंगु भिगु सि दंगु भाव काः झासँ ।

चिरिभाइ दाइया सिपसः
बसन्तपुर, येँ

लुम्बिनी बिकास योजना-- छगू परिचय छगू बिचाः

अमृत श्रेष्ठाचार्य

बि. एस्सी इन्जिनि. (सिभिल) अनर्स

स्वांयापुन्ही थौं । युग युग त्वःममनीगु पुन्ही थौं । २५९९ दँ न्ह्यः नेपाःया लुम्बिनी सिद्धार्थ गौतमया जन्म जुल । वसपोल दुखं व्याप्तपि सकलें मनूतय् छम्ह नेताया रूपय् दना बिज्यात । वसपोल नेपालय् जन्म जुयाः नेपाःया हे जक जुया बिमज्याः, वसपोल संसारया हे जुया बिज्यात । वसपोलया थजाःगु ज्ञान देश बिदेसय् न्यन । थुकिया छुसां कथ सन्नाट अशोकं लुम्बिनी थना थकूगु थां (स्तम्भ) थौं नं नवाना चवंगु दु । सुनं छम्ह बौद्धया बुद्ध जन्म जूगु थाय् लुम्बिनी अरु प्यंगुलिं तिर्थ लुम्बिनी, सारनाथ, बोध गया व कुशीनगर वनेगु तःधंगु इच्छा जुया चवनी । थव बिषयय् उपो चवये सिकं बुद्धया जन्म भूमि लुम्बिनी गुकथं बिकाश यायेगु योजना दु धइगु बिषयय् चवये बांलाइ ।

संयुक्त राष्ट्र संघया महासचिब स्वर्गीय उ थान्तजु अप्रिल १९६७ पाखे गौतम बुद्धया जन्म भूमि लुम्बिनी कायादिल, दय्कः व थासं तसकं प्रभावित जुया दिल । दय्कलं थव थाय् यात थकायेगु, बौद्ध मार्गीतय् छगू पाबत्र थाय् या रूपय् न्ह्यब्वयेगु अले नेपाःया पर्यतनय् तिबः ज्वी कथं छगू योजना मन्तुना दिल । वहे बिचाःया अनुरूप थौं नेपाःया जक मखु संसारया हे थव थःगु कथंया योजना जुयाः कोगु न्ह्यःने वल । थव योजनायात साकार यायेया इवलय छु छु ज्या नं जुया चवंगु दु । १८.४ किलो मेटर ताःहाःगु भैरहवा-लुम्बिनी सडक सिधः मधः वल ।

लुम्बिनीयात बिद्युतिकरण यायेगु ज्या नं ववचाल । मू ज्या इवलय जापानया भाजु प्रो. केन्जो टांगोजु थुकिया डिटेल डिजाइन याता चवना दीगु दु ।

थव सकतांया लिपा छगू बिचाः मयासँ मगाःगु न्ह्यसः वइ छु थव छगू धार्मिक योजना जक खःला ? यवधं मनू-तय्के थव योजनाया बिषयय् भ्रम जूगु खने दु । थव मुकं धार्मिक योजना जक मखु वरु धार्मिक योजना नं खः । लुम्बिनी योजनाया ल्यः व्यापक । थुकि लुम्बिनी क्षेत्र छगू जकयात बिचाः याताः याःगु योजना मखु । राष्ट्रिय बिकासया क्रमय् क्षेत्रिय बिकासयात बिचाः गाकूगु दु । उकि थव योजना धार्मिक संप्रदायया निति छगू धार्मिक योजना, पर्यटकतय् निति थव पर्यतन योजना, इतिहास व पुरातत्व शास्त्रीतय् निति थव ऐतिहासिक व पुरातात्विक योजना अले अर्थ शास्त्रीतय् निति थव सामाजिक व आर्थिक योजना नं खः । लुम्बिनी बिकास योजनाया थवहे प्यंगू खंय् योजना दयेकेगु मू कुतः खः ।

दकलय् न्हापांला बौद्ध धर्म व बुद्ध सम्बन्धी इतिहास व पुरातत्वयात सुनियोजित कथं संरक्षण यायेगु खः । अझ बुद्धया जन्म व धर्म सम्बन्धि थन अन्वेषण याताः उकियात संरक्षण यायेगु । इतिहास कथं थव थासय् सन्नाट अशोकं तःगू मछि बहाः (धर्मशाला) दयेका दीगु वयान दु अथेहे हुयन साँगया बयानय् नं दु ।

बुद्ध धर्म सम्बन्धी संस्कृति व दर्शनयात धर्म उपयो-

गिताया निति न्हू कथं दयेकाः उकिया संरक्षण यायेगु ।
लुम्बिनी व थाय् खः गुकि इतिहासयात हीकल । थौया व
कन्हेया मनूतय् निति लुम्बिनी छगू म्वाना चवंगु शक्ति
खः । थव छगू थाय् खः गुकि बौद्ध संस्कृति व दर्शनया
बिचारधारा संसारयात बिल ।


थव क्षेत्र लुम्बिनी वयवया जःखः चवंगु थाय् जक
मखसे थन बुज्या हे मूज्या जूगुलि, बुज्यायात प्रोत्साहन
यानाः थव थाय्या आर्थिक व सामाजिक स्तर बुज्या
सम्बन्धो उद्योग पाखें थकायेगु । तौनिहवा व भैरहवाया
नाप नाप मू थाय् कथं लुम्बिनीया सामाजिक व आर्थिक
स्तर थकायेगु ।

बुद्ध धर्मया संस्कृति व धार्मिक दर्शनया बहः कयाः
पर्यटनयात उपो थकायेत, छगू योजना दयेकेगु । लुम्बिनीया

पर्यटन सुविधा एसियाया छगू मू तिर्थस्थलया रूपय् डिजा-
इन यायेगु कुतः जूगु दु । प्यंगू बौद्ध तिर्थस्थान लुम्बिनी,
सारनाथ, बुद्धगया, कुशिनगर एसिया राजमार्गया ए. व
बी रूटय् लाः । उकि थव थाय् एसियाया यात्रुतय् निति
छगू पबित्रगु तिर्थस्थान जू वइ । थवहे मू कुतः नं खः ।

योजना

लुम्बिनी विकास योजना चवय् बियागु सकतां बिषय-
यात कःयानाः पिलूगु खः । थव योजना संसार प्रसिद्ध
बास्तुकलाबिद भाजु प्रो. केन्जो टाँगै याना दीगु खः ।
मुख्य योजना ३ स्ववायर मिल जूसां थव योजनां २५
स्ववायर मिल थाय्यात कया तःगु दु । मू योजनाया स्वंगू
स्ववायर मिलयात प्रत्येक छगू छगू स्ववायर मिलया
कुचा यानाः थव योजना सचालन जवी ।



- ० - अशोक स्तम्भ १ - पबित्र वयव क्षेत्र २ - बौद्ध बिहार क्षेत्र
३ - न्हू लुम्बिनी गां ४ - संरक्षित क्षेत्र ५ - बुज्या क्षेत्र

पवित्र क्यब क्षेत्र

इतिहास कथं माया देवी (गौतमया मां) यःछे वना चवंबलय् थ्व थाय् लुम्बिनीया शान्तगु बाताबरण, सिमा स्वांमा प्रताः मुग्द जुयाः थनहे कासु लनी । थन हे वहे इलय् सिद्धार्थ गौतमया जन्म ज्वी अले अन लिकसं चवंगु पुछुली गौतमयात स्वःलहुकी । उकि उगु हे ई व शान्तगु बाताबरणयात साकार यायेत थ्व १×१ मिल क्षेत्रय् अशोक स्तंभ, माया देवीया बेगः आदि ल्यंकाः मेगु छुं मदयेका वछयेगु योजना दु अले मेगु ल्यंगु थासय् सिमा व पुछुलि छाथेगु योजना नं दु । थ्व थासय् तीर्थ यात्रुत न्यासि वनाः हे जक अशोक स्तंभ व माया देवीया देगलय् वने फइ । थुकी योजना कथं चवनीगु थुकथं—

१) पवित्र उद्यान (क्यब)

२) पुछू

३) जंगल (साल, बो, वनयान सिमात)

बौद्ध विहार क्षेत्र

थ्व बौद्ध विहार क्षेत्रय् १×१ मिल बौद्ध भिक्षुपि व देश बिदेशया बौद्ध बिहारत योजना कथं दयेकेगु र्वसाः दु । थन सुनं यात्रुतय् बुद्ध व बुद्धधर्म सम्बन्धी दर्शनया बिषयय् सोके माःसा उकियात सांस्कृतिक थाय्या रूपय् तयेगु योजना दु । उगु सांस्कृतिक थासय् बुद्ध सम्बन्धी म्युजियम सफू कुथि सभा क्वथा प्रयोगशाला आदिया व्यवस्था दु । लुम्बिनी उत्खनन यानाः लुया कःगु पुराता-त्विक वस्तु थ्वहे म्युजियमय् चवनी । अले ततःधंगु अन्तरराष्ट्रिय सभा यायेत गाःगु सभा क्वथाया व्यवस्था याना थ्वः योजना झन तःधंगु रूपय् कीगु न्ह्यःने वइ ।

बौद्ध बिहार क्षेत्रं न्हू लुम्बिनी गां व पवित्र क्यबयात दण्ड चवंगु लं स्वाना तइ । थ्व क्षेत्रय् त्रिचाः मयासे मगाःगु छु धाःसा यात्रुतय् गुकथं निभालं मखयेक शान्त

बाताबरणय् पवित्र क्यब थ्यंकेगु । उकिया निर्मित लेंया निश्चरं लः धःया डिजाइन यानाः मनूतय्त् याताप्याता मवंक अशोक स्तंभ थ्यंकेगु प्रयास खः ।

थुकी हे प्राकृतिक दबूया रूपय् क्यनेत लुम्बिनी स्ववायरया नं प्रवन्ध दु । अन हरेक गमा व सांस्कृतिक प्याखं क्यने फइ ।

थ्व लुम्बिनी गामं (१+१ मिल) तःता कथं थन वईपि पर्यटक व यात्रुतय्त् सुबिधा बीगु आशा यानाः योजना दयेकूगु दु । थुकी आःयागु ई जक मखु बर लिपा लिपाया पर्यटक व अन चवनीपिं मनूतय्गु नं बिचाः याःगु दु ।

थ्व थासय् छगू लुम्बिनी सेन्टर चवनी, गगु पर्यटक व यात्रुतय्त् सेवा यायेगु मू थाय् जुइ । थुकी दयेकीगु मध्यम होटेल, पोष्ट अफिस तेलिफोन व तेलिग्राफ, हेल्थ सेन्टर, पसः, ट्रामल एजेन्सी, ट्याक्सी, बसपार्क, पेट्रोल स्टेसन आदि खः गगु गुम्हं नं पर्यटक व यात्रुतय्त् मदयेकं मगाः । लुम्बिनीया बाताबरण मस्यनी कथं थन छगू ब्याम्पिग थाय् नं चवनी ।

लुम्बिनी बिकास क्षेत्र दुने लःया मू स्रोत द्यूबवेल् खः । थाय् थासय् पम्प तयाः ब्याकं क्षेत्रयात लः बीगु थुकिया योजना खः ।

छगू बिजुलि स्टेसन न्हू लुम्बिनी गामय् चवनी । अन स्वज्वः डिजेल जेनेरेटर २५० कि. वाटया व ट्रान्सफरमर तयेगु योजना खः गुकि ब्याकं क्षेत्रयात बिजुलिया व्यवस्था याये फइ ।

लुम्बिनी बिकास योजनाया लगत कथं डिजाइनया धेबा नापं यानाः जम्मा डलर ७,३६२,००० तुइगु अनुमान दु । भैरहवा-लुम्बिनी सडक, बिद्युतिकरण व बु न्यायेगु धेबा श्री ५ या सरकारं हे खर्च याःगु दु । थ्व

योजनायात सफल यायेत माःगु धेबा यू. एन. डि. पि. व
मेपि दातापिनि पाखे प्राप्त यायेगु थ्वया लक्ष दु । थ्वहे
तिलसिलाय् यू. एन. डि. पि., एक्सो ७० व मेमेगु देशं नं
यक्वं चन्दा बी धुंकूगु दु, अथे हे श्रदादुपि मनूतसें नं ब्यूगु
दु । थ्व फुकं धेबा मछ्यसे बैक्य तया तःगु दु । छाय्कि
थ्व धेबां मूज्या जक यायेत खः मेगु ज्याया निंति वःगु धेबा
व मखु ।

खः थौं स्वांया पुन्हि । संसारया छम्ह, बहलाःम्ह नेता जन्म
जुगु जक मखु थौंया हे दिनय् वसपोल बोधिज्ञान प्राप्ति व
महापरिनिर्वाण नं जुया बिज्यात । वसपोलया न्ह्याबले न्ह
जुया च्वनीगु ज्ञान व दर्शनयात लुमंकाः संसारं थौं वसपो-
लया जन्मभूमि लुम्बिनीयात बिकास यायेगु तिवः बिया
च्वन । थ्व थुजाःगु छगू योजना खः गुगु गुगु कथं नं
नेपाःया निंति मदयेक मगाःगु योजना खः । थ्व योजनां
हाकनं छक्वः संसारया मिखा साला काइ मखु गथे धाये
फइ ? योजना याकनं सिधःगु स्वये दइ थ्वहे आशा खः
झीगु ।

की मां भाय् प्रकाशनया लुखां

पि दं गु

न्हु बाखं च्वमि

भाजु भूषण प्रसाद श्रेष्ठया

न्हु बाखं सफू 'लपु'

छगू न्यानाः ग्वाहालि घाना दिसै ।

“मुनासः” या ग्वसालय् जुइगु

स्वक्वःगु नेपाल भाषा ख्यालः प्रतियोगिता

थ्वहे वइगु असारया दुने जुइगु दु

बांबांलाःगु ख्यालः दुत बियाः नेपाल भाषाया

ख्यालः साहित्य ब्वलंकेत तिवः बिया दिसै ।

स्वापू तयेगु थाय्--

मुना सः

वैतु चिकँअतः, ये ।



या धापू

नेपाल भाषा नेपालया छगू तसकं च्वन्हाःगु भाषा खः । थ्व भाषाया गुणयात थुइकाः चायेकाः विदेशी विद्वान्तसँ थ्व भाषाया विशेष अध्ययन याना वयाच्वंगु दु । डेन्मार्कया हायन्स जोगेन्सन, रसया भिनायभ, फ्रान्सया सित्वान लेवी, बिलायतया डा. बाके, व मेमेपि विद्वानपिसं थ्व भाषाया विशेष अध्ययन यानाः नेपाल भाषाया व्याकरण, शब्दकोष दयेका वंगु व मेमेगु साहित्य व संगीतया सफू पिकया वंगु दु । हालय् तिन हानं स्वीडेनया प्रोफेसर सीग्रीड लीनहार्डजुं नेपाल भाषाया पुलांगु सफू मणीचू-डावदानोदघृत व नेपाल भाषाया सछिपु पुलांगु म्ये रोमन लिपि सम्पादन यानाः अंग्रेजी होकाः पिकया दोगु खः । थुकथं नेपाल भाषा व साहित्यया प्रचार यवव दं ह्यव निसँ विदेशय् विशेष यानाः यूरोपय् प्रचार जुया वया च्वंगु खः । क्री भाष्या पुलां पुलांगु सफू यूरोपया ततःधंगु

संग्रहालय व पुस्तकालयय् सुरक्षित जुया च्वंगु नं सकस्यां स्पृगु खँ जुल । भाः थोक्न्हय् नं क्रीगु भाषा, साहित्य व संस्कृतिया विशेष अध्ययन व अनुसन्धान विदेशी विद्वानपिसं याना हे च्वंगु दु । थुकिया हे ऊवल्य् वंगु शरद ऋतुइ जर्मनीया छम्ह मय्जु उल्रिके क्वयल्भरजुं नेपाल भाषाया वाक्य विन्यास सम्बन्धी छगू शोध ग्रन्थ च्वयाः जर्मनीया नांजाःगु कोलों विश्वविद्यालयं डक्टरेट डीग्री हासिल याना दिल । छम्ह विदेशी मिसां नेपाल भाषाया उच्च अध्ययन यानाः बिश्वविद्यालयया दकलय् तधगु डक्टरेटया उपाधि काःगु तसकं महत्त्वपूर्ण खँ जुल । थुकि सकल नेपाःमि व विशेष यानाः क्री नेपाल भाषा भाषीत लयाये माःगु हे जुल । क्रीयाय् थःगु हे विश्वविद्यालयय् नेपाल भाषाया उच्च अध्ययनया व्यवस्था याये मफुनिगु इलय् बिदेशया छगू तसकं नांजाःगु विश्वविद्यालयं नेपाल भाषाया अध्ययनयात मान्यता बीकेगु ज्या मय्जु उल्रिके क्वयल्भरपाखें जूगु तसकं हे च्वछायेवहःगु खँ खः ।

द्वन

२० पेजया “क्रीगु भासय् ‘य’ यात ब्वने” नांगु च्वसु भाजु रमापतिराज शर्मा च्वया दोगु खः । सं

न्हगु छँ या न्हगु क्वथा झझः धायेकेत
थःगुहे देशय् दयेकूगु बांलाःगु टाय्ल
छयला दिसँ

बैय् छायपेगु विभिन्न साइज व डिजाइनया
मोजायक टेराज्जो टाइलया उत्पादक
दी कन्क्रीट मासनरी वर्क्स

ज्यासः


टेकुसी, केपु । फोन नं. ९९८२९

अफिस व बसो क्वथा

मखंत्वाः, येँ । फोन नं. ९९८८०

स्वांयाः पुन्हि

थौं शान्तिया न्हयलुवाः भगवान बुद्ध जन्म जूगु न्हि



भगवान बुद्ध जन्म जूगु थाय् खः लुम्बिनी

उकिं तथागत बुद्ध प्रति श्रद्धा तथाः लुम्बिनीया विकासय्
ग्वहालि यायेगु भी सकस्यां कर्तव्य खः ।

लुम्बिनी विकास समितियात फुगु चाःगु ग्वहालि बियाः

पवित्र तीर्थस्थल लुम्बिनीया विकासय् तिबः बिया दिसँ ।

लुम्बिनी विकास योजनाया विषयय् स्वापू तये माःसा

लुमंका निसँ



लुम्बिनी विकास समिति, बबर महल, येँ । फोन : १४७१९

श्री नेपाल भाषाया

दत्तं कृतं छगु

छगु जक सफू -

श्री भगवती प्रसाद श्रेष्ठया

“नेपाल भाषा सामान्य ज्ञान”

अवस्य छगु न्यानाः स्वया दिसँ ।

उको- राष्ट्र अन्तर राष्ट्रा ज्ञान-विज्ञान,

आर्थिक, सामाजिक, राजनैतिक व

धार्मिक गतिविधि आवाः

दुश्याःगु दु ।

२१६ पौ छगु सफूया स्यू २५० जक

प्रकाशक :- नेपाल भाषा परिषद,

कान्तिपुर ।



so it's HEXT:
WHAT NEXT?

YA...
WHAT NEXT?



HEXT is ALSO
a PRONOUNCED
SUCCESS*



* IN THE WORLD OF
PRICELESS MEDICINES.



HOECHST PHARMACEUTICALS LIMITED

AHMEDABAD • BOMBAY • CALCUTTA • DELHI • MADRAS • KATHMANDU

होण्डा

H O N D A

H O N D A

H O N D A

मोटर साइकल व स्पेयर पार्ट्स या निती लुमंका दिसँ ।

अथे हे होण्डा पावर टेलर व होण्डा जेनेरेटर नं जिमिथाय् दु ।

स्यामुकापु ट्रेडिङ्ग कंपनी

ज्योतिभवन, कान्तिपथ, कान्तिपुर

फोन नं. ११४९०